

BIBLIOTECA NAZ.

Vittorio Emanuele III


XXX

B

23

NAPOLI









MAGNI
THOMÆ BARTHOLINI,
S. Regiæ Majest. in Academia Hafniensi
Profess. Honorarii, Collegiiq; Medi-
ci Antecessoris & Decani
perpetui

PARALYTICI
N. T.


Medico & Philologico Com-
mentario illustrati.

Editio Secunda.



BASILEÆ

Apud JOANNEM KÖNIG. 1662.



Viro Celeberrimo

DN. THOMÆ BARTHOLINO
Præceptori Fidelissimo

S. P. D.
GEORGIUS SEGERUS
Thorunensis.

TVVM quod est, Tibi reddo. *Commentarium*
scil. *Medico-Philologicum* ; in *Novi Testa-*
menti Paralyticos conscriptum ; quem ante hos
novem annos mihi aliisq, Tuis Auditoribus, etiam
præsente Ipso Augustissimo Vestro MONARCHA,
plurimisq, Regni Proceribus, tripartitò ventilan-
dum proposueras. Hunc quia hætenus plurimi
Magni desiderarunt Viri, ut eorum votis satisfac-
cerem, exemplar illud, quod ex Tua possedi libe-
ralitate, quamvis auro pretiosius habuerim, ru-
brica tamen Typographica lubens subjeci. Tu, quæ
animus devotus perpetravit, pro innatâ Tuâ co-
mitate aequi boniq, consule ; & affectui justo,
quem, corpore licet absens, mente tamen gratâ
semper præsens, fovet discipulus, adscribe. Quod
reliquum est, DEUM Ter. Opt. Max. submisso
veneror animo, ut Te Orbi literato non tantum
nascente hoc Anno, sed & adolescente & senescen-
te, in-

te, innumerisq; aliis, saluum ac incolumem con-
seruet. Dabam BASILEAE ipsis Kalend. Januar.
Anni cdo Idc LXII.

EPIGRAMMA

in Virum

Πανάρισον & Πανίστορα

D.D. THOMAM BARTHOLINUM.

* * *

Theiologi quaecunq; sciunt, Mediciq;, Sophiq;,
Uno BARTHOLINUS pectore clausa gerit.

CÆSO GRAMM Tonningensis
Lib. Art. Mag. Φιλίατης ©.



THOMÆ



THOMÆ BARTHOLINI
PARALYTICI
 N. T.

Medico & Philologico Com-
 mentario illustrati.

HISTORIA PARALYTICI PRIMI
ex Quinto Joannis Evangelio.



Ecundus hic est, sed primus se-
 cundi anni, quem miraculosa vi cu-
 ravit Servator, ideò hic à nobis ex-
 cutiendus, quod inter capitis mor-
 bos hoc anno 1653. explicandos pri-

mus se offerat. Seriem brevi Analyfi sequemur
 ab historico sacro observatam, qui curationis per
 piscinam meminit, mox planè Divinæ per ver-
 bum Christi. A piscinæ loco seu situ ita orditur:
 Comm. II. Εἰς τὴν τῇ παροριακῇ καλυμμένην θορᾶ.
 Quæ conjungit Theophylactus, Hieronymus, Vulgatus,
 in probatica piscina. Rectius noster propè vel cir-
 ca probaticam, ne καλυμμένην tertio casu effe-
 ratu. Sub intelligenda verò πύλη, ut vertunt

Lxx, quam Eliazib erexit *Nehem: iii, 1. & 32.* neutiquam cum aliis ἀγορά, sive quod per eam inducerentur pecora, vel educerentur, sive ad sacrum usum abluerentur, de quibus dubitans fortasse *Syrus* probaticam omisit. *Κολυμβήθραν* rectè omnes piscinam reddunt, qua loco בִּרְכָה utuntur Lxx. Interpretes. R. *Davidi Kimki* fons, *Pagnino* lacuna vel cisterna. *Syro* locus Baptismi vel lavacri, ut & Arabico. Quod stagnum forsitan est Salomonis ad Orientem juxta Ophlan & Xystum lavandis victimis prius destinatum, de quo *Iosephus*, vel locus in quo ignem sacrum abscondit *Nehemias 2. Mach. 1. &* apud *Iosephum Gotion.* non terræ motu conceptionis Christi momento erumpens, quanquam & hoc proposito inserviret, neq; piscina ab *Ezechia* exstructa cum aquæ ductibus 4. *Reg. xx. 20.* neque mare fusile 3. *Reg. vii.* sive ibi salientis aquæ fons fuerit, sive thermæ aliunde deductæ, sive pluvialis aqua, ut *Hieronymus* censet. Hinc *βηθεσδα* domus effusionis sive aquarum, ab *בְּתַחַת*, quod ideò constanter retinent *Codices* Græci omnes, sive sanguinis victimarum, quod tamen contra *Caninium* improbavit *Beza.* *Syrus* Beth-chesda vocat seu dñm misericordiæ, à *Chesed*, quod instar *Nosodochii* esset, quem non Hebræum, sequutæ *Glossæ* marginales *Danicæ*, *Belgierningshuß* exponunt. Vitiosè autem *Vulgatus* Bethsaida, quem non satis feliciter defendit *Corn. à Lapide*, quia venatio piscium nusquam fuit. In ejus tamen gratiam idem vocis servavit

servavit *Arabs* Romæ editus. Formam piscinæ addit πέντε σῶας ἔχουσαν, quam de porticibus exponunt plerique. Eas ex ædibus Italicis antiquis hauserunt ex piscina mirabili Bajis à Nerone exstructa, quia & porticus balneis Antonini additas notat *Lampridius*. *Maldonatus* murum exponit ad prohibenda pecora, quomodo adumbravit nobis *Adrichomius*, cum quinque portis. *Danius Stuur*/ quam benè, haud judicari ego. *Heinsius* post *Hemmingium* nostrum ταμῆα intelligit, & distincta conclavia, quæ in Centumcellis Puteolanis, Thermis Badensibus, quoque distinguuntur. Quo significationis flexu cepit *Hesychius*: σοαί, ταμῆα, καὶ ὀπισμήκη αἰσίν. *Suidas* quoq; , σοά, τὸ ταμῆον. Sed quomodo πλῆθ' πολὺ in quinque porticibus seu concamerationibus cōtinebatur? Solvit dubium *Nonnius* in Paraphrasi, quando πέντε τανυπλάτοις circumscribit, h.e. lateribus in longum latumq; tensis, in quibus jacebat, multitudo ἀσθενῶν varii generis, cæcorum, claudorum, aridorum exspectantiū aquæ medicatæ motū, quem ab Auctore, tempore & modo describit Auctor motionis nominatur. *Comm.* IV. Ἄγγελος. Non Raphael, ut exemplo Tobiae aliqui putant, quia Medicorum sit præses. Nam omnes sunt λειτουργικὰ πνεύματα *Ebr.* I. 14. Sed vel Virtus DEI, ut *Hellenista* profitentur, vel æternus Angelus, ut *Bungus* autumat, vel venti æmulus spiritus, secundum cujus statas vices aquæ motæ fuerunt, & mutatæ tam sapore quam colore & viti-

bus. Statas has vices per *καρπὸν* exprimit *Joannes*, quas aliqui ad omnia Judæorum festa extendunt, *Cyrillus* & *Tertullianus* ad Pentecostas festum, & omninò *Ambrosius* ad unicum verrentis anni tempus restringit. Rectius *Euthymius* nullo definito anni momento, sed sæpius turbatam piscinam suspicatur. Nam *κ* distributionem in N. Test. & universalem denotat & particularem, ut *κ* *καρπὸν* collectivè sit sumendum. Pro quacunque opportunitate ex *Hippocratis* notione aquæ mutatæ sive ex propria natura, sive anni tempore, quemadmodum in Calabria tres fontes, referente *Baccio* octonis distantes pedibus, singulis diebus duodecies exsiccantur, & in Campania Ciceronis balnea semel tantum diurno tempore scaturiunt semelque noctu, Luna tantum oriente & deficiente, teste *Leandro*. Neque balneum montis Falconis, neque Insulæ Cydoniæ perenni aquarum fluxu scaturiunt apud *Fallopium*, nisi verno tempore, & Trigilla, fluvius apud *Lucanos*, si credimus *Pontano*, hyberno tempore adeò exsiccat, ut pecudes ibi stabulentur. De acidulis Alsatiae fidem facit *Sebizius*, nonnunquam effœtas esse & pristino vigore privatas. Quod plerisque usu venit. Nostræ S. Helenæ circa festum S. Joannis hominum plurimorum nobilitantur concursu, benigniore sole temperatæ, nec frigidioribus æstuantibusque mensibus thermalium aquarum sive potio sive balneum fertur securum. Erant quoq; in balneis factitiis Romæ
οἱ καρ-

οἱ καιροί, seu certæ horæ. De sanis jam nihil. Ægri ante octavam horam ex instituto Adriani apud *Spartianum* lavabantur, commodo ante cœnam tempore. Idque æstate. Hyeme enim ante nonam, quod *Plinii Junioris* discrimen haud semper obtinuit. Eâ hora lavit Cæsar apud *Tullium*, ut deinde ἐμετικέη ageret. Ut igitur καιρὸς suos haberent hæ aque tam virtutis quàm fluxus, Angelus καὶ καιρὸν ἐπέρασε τὸ ὕδωρ, quod passivè extulit *Vulgatus*, quia in antiquo Codice legerat ἐπεράσε τὸ ὕδωρ, alii omnes activè, ad communis lectionis normam. Antea κίνησις, jam Τεραχί. Hæc quam illa ponderosior vox, majores enim turbas notat. Quare *Ezech.* xxiii. 46. servant *LXX.* neutiquam *Jerem.* xxix. 18. quod rectè ibi viderat *Aristarchus sacer.* Atque ita potius cum *Aria Montano* dicemus *turbatam*, quam cum *Vulgato*, *Syro* aliisque *commotam*. Per limum turbata fœditus aqua, quod παράγειν signat phrasi à Medicis mutuata. Hellanicus quippe apud *Lucianum* oculis suis optat Æsculapii filium, qui παράξας καὶ ἐγχείας ipsi Φάρμακον. Ita κοιλίῳ & γαστέρι παράγειν apud *Hippocratem* passim de exsuperante dejectione interpretatur *Galenus*, *Celsus* resolutum ventrem vocat, & eleganter *fermentatum*, planè ad *Hispani* mentem, qui vertit, y rebolvia el aqua h. e. ut *Interpres* addit, levantavala en ondas. Hoc pacto turbata aqua piscinæ, ut ad summa efferbuerit lutum, à quo ferè & ad thermas & resoluta membra ductu *Practicorum* vis ejus transit.

Tumque indicium erat usibus aptam aquam, ut sicut in balneis Romanis ære Thermarum seu tintinnabulo horæ tempus designatū, ita turbata aqua accurrerēt in camerationibus expectantes. Miseret me sanè *Maldonati* ad miraculum confu-
 gientis, quasi quieta potius quam turbata lympha prodesset. Etenim planè aliter se habet res. Quiete torpescunt subinde. Nec ulla foret efficacia per-
 petuo concursu haurientium, lavantium turbatis thermis Puteolanis, Aponensibus, Viterbiensibus, Lucensibus, Badensibus, nostrisve S. Helenæ Scio aquas quasdā turbatas esse noxias, ut Tibe-
 rinam & balnei Pisani *al aqua*; sed nihil moveor, quia non omnibus id, nec ex se contingit. Luto commistæ nervosas roborant partes, articulos, capitisque quosdam affectus, quod de piscina hac de prædicat sacer Annalium conditor. Majorem, quod subnectitur, meretur admirationē; ὁ πρῶ-
 τος ἐμῶς Descendens, quasi κατὰ βῆλας, ut *Vulga-
 tus*, *Syrus*, *Arabs* habent. Utriusque enim induit si-
 gnificatum, ingredi & descendere apud *Suidam*: ἐμ-
 βαίη, κατὰ βῆλας. Intravit, descenderit. Et mox ipse æger *Comm. VII.* alius ante ipsum expeditiori gradu κατὰ βῆλας. *Seneca* dimitti corpora in pis-
 cinas dixit. Nempe per balneorum gradus seu scalas, modo pauciores, ut *Bajis* in balneo Cice-
 ronis & Oceano *Ligori*, modò plures, ut in *Badensibus* novitiis & vet. templi *Matidiæ* apud *Donatum*, quales ad diætam depingit *Plinius* in *Epistolis*. Hic *Mercurialem* probare nequeo, Apo-
 dyterium

dyterium in thermis vet. cum *Frigidario* confundentem, contra manifestam *Galenii*, *Oribasii*, *Plinii* auctoritatem, & rudium fidem. Ibi vestes deponebant sudoribus deterfis, hic conquistum in caldario calorem temperabant. Nec jure *Vitruvium* incusat *idem*, quod tepidarium, utpote Græcis ignotum, neglexerit. Etenim & hic tepidarii meminit, & Græcis tepidarium consignat *Archigenes*. Labuntur non minus Antiquarii, qui Laconicum credunt fuisse sphæristerium. Distinxit enim *Plinius* in Epistolis, & *Ligorius*, nec ratio dissuadet. Pilas *Vitruvii* in hypocausto, sive de pice illitis cum *Calio Rhodigino* & *Mercuriale* accipias, sive de quocunque globulo, quod *Philandro* placuit, parum refert. Baptisteria autem ut plurimum ex lapide, marmore, ære aut ligno. Nunquam ex cornu Rhinocerotis, sicut ex male intellecto *Juvenale* suspicantur nonnulli. Nemo ejus amplitudinis cornu Naturæ auctor observavit, nec mirum foret, uni tantum primoque paruisse ingressum, frustra que Interpretes ad miraculum & Patres ad mysteria confugerent. Meo arbitrio, sine his effugiis sententia videtur subducenda. Gravius alterum: *Sanus fiebat ὃ δὴ ποτε κατέχετο νοσήματι*: vel de supra nominatis cæcis, claudis, aridisve intelligendum, vel de aliis omnium generum morbis curatio, nem recipientibus. Ubi quærenti: *An Universalis Medicina dari in natura possit?* affirmarem, ducti 1. Loci hujus auctoritate. Quocunque tandem explicemus pacto. 2. Experimentis similibus à

Blochvritio pro sambuco allatis. 3. Panaceâ vererum ab Æsculapio prognata, per quam suos adjuravit *Cous*. Illo nomine gaudent simplicia multa, multa concreta. Τὸ ὑπὸ πινθεῖς Helenæ apud *Athensum*. Comæ Apollinis *Callimacho*. Panaces herba *Plinio*, cujus genera describit *Theophrastus* & *Dioscorides*. Eoque titulo dignantur Nicotianam herbam fumivenduli. Verius *Thea* conveniret Chinenſium. Inter mixta minus competit Panaceæ Antonii Muſæ apud *Galenum*, *Nic. Myrepsum*, *Aetium*, qui emplaftri quoque panaceæ ad omne morborum ægrè curandorum genus adfert descriptionem. 4. Foliiſ hellebori nigri in baſamum redactis, de quibus *Scheunemannus*. 5. Vomitoriis, ſive loro *Scribonii*, ſive potionibus helleborinis &c. quæ omnes cujuſcunque ſerè morbi humiditates ex omnibus educunt partibus, ex ventriculo, ob viciniam teſte *Hippocrate* & *Galeno*, etiam craſſos humores, ſecus quam huic *Pergameno* viſum, ex inteſtinis & Meſenterio apud *Falloppium* alioſque, thorace, capite ex *Coi* præceptis, ejuſque morbis ſingularibus, in ulceribus *Hipp. de Morb. dolore capitis idem*. *Aegineta*, *Abenſina*, *Gentilius*. Pro aqua in cerebro, hemicrania & Cephalæa apud eundem *Cōum*, *Trallianum*, *Aetium*, *Meſuen*, *Arætaum*, *Aurelianum*, *Oribafium*, *Aeginetam*, *Fioravantem*. Pro memoria læſa *Aetius*, *Capivaccius*. Ad infaniam, Melancholiam & Maniam *Aurelian.* *Gariopontus*, *Th. Priſcianus*, *Brasavola*. Ad Apoplexiam *Celf.* *Oribaf.* *Aet.* *Arct.* *Gariop.* *Aegin.* *Abenſ.* Alii abb. Epilepſiam inveteratam *Celf.* *Trall.* *Paulus.* *Orib.* *Galen.*

Galen. Plin. Aet. puerorum Hipp. Fern. Ad destillationes diuturnas raphanos commendat Aet. Veratrum Hipp. Spasmo Cynico Cels. Tetano Plin. Aurelian. Tremori Plin. Gariop. Abensf. Paralyfi Aegin. Cels. Aet. Aurel. Ali ab. Gordon. Manard. Mercat. Holler. Oculorum morbis Hipp. Gal. Cels. Paul. Afluar. Aet. Aurium morbis Hipp. Trall. Cels. Reliquos persequi nihil attinet, quia de humiditatibus mihi certum, bile, pituita, melancholia, imò, quod miraberis, sanguine, per vomitum summa juvamenti spe rejiciendis. 6. Menstruo Universali Chymicorum, quo ad omnes morbos ab interna radice pullulantes utuntur feliciter, quibus contigit mensis accubuisse Deorum. Sive quod naturam ad noxia expellenda roborer, sive quod seminarias impuritarum tincturas simul dissipet, ut credidit P. Severinus nostras, sive quod humores disponat ad recipiendam communem methodum, ut majori specie veri suspicatur Dinheimius. 7. Fontium Panacea. Rivulo in Daunio apud Strabonem. Nuperis Hornhusanis & Itzeboanis aquis, concursu potius quam universali medicina nominatis. Nostræ S. Helena præter ochram ostendunt nihil, nisi & hic, ut in plerisque aquis, experientia sit standum. Ad quam Panaceam referenda quoq; piscina sacra. Sed quomodo adhibita? Non potu, quanquam antiquis satis noto, secus quam multi contendunt, neque foru solo, licet & hujus apud vet. inveniam vestigia Antiquariis repugnantibus, verum per Infectionem vet. frequentatam

eamque non immersione & emersione, neq; per natationem, sed cum quiete egrotis propria apud *Galenum, Vitruvium, Plinium* quæ varia præstat evacuando apud *Gal. Paul. Oribas.* emolliendo, teste *Aetio, Paulo* & experientia, exsiccando, humectando, calefaciendo, refrigerando, roborando, constringendo, aperiendo, adjuvando facultatem concoctricem, expultricem & hujus censis alia apud varios Auctores passim exstantia partibus plerisque dedicata, thoraci, stomacho, ventriculo, hepatis, lieni, intestinis, renibus, vesicæ, utero, nervosis partibus articulisque, ut cæcorum, claudorum, resolutorum in porticibus piscinæ commorantium. Quod si ad omnes promiscuè vis sanandi transiit, neutiquam id à victimis in ea ablutis habuit, nec à lignis crucis Christi in fundo, narrante *Genebrardo*, repertis, quia dubium, an ibi fuerint, & quanquam latuisse in fundo concesserim, nullam tamen ligno crucis jam fabricatæ minus crudo, in morbis curandis deferimus efficaciam. Patres enim *Jo. Chrysostom., Damascenus, Cyrillus*, de spiritali loquuntur curatione, ut non crucis in deserto, sed serpentis ea fuerit vis, seu typi ejusdem. Imò non ligno sed signo crucis vett. Christiani fidebant, vel lignis cruore Christi tinctis. Nihil à materia traxit, sive Cedro, cupressu, pinu vel buxo, ex quibus crucem componunt *Chrysostomus, Beda* alique, sive oliva contra inventionis fidem, sive, quod verius quercu, ex quo robore cruces Romanorum, teste *Silio, Plutarcho, Cypriano.* Nolim tamen *Becano* aut

Bozio credi, huc spectare coronam querceam in Augusti numismate OB CIVES SERVATOS. Nam corona prima ex ilice, esculo, teste *Plinio*, *Agellio*. Postea ex quercu, quia Jovi sacra arbor & amica apud *Virgilium*, *Ovidium*, *Claudianum*, parum dissentiente *Apollodoro*. At civica aliquando hederacea *Martiali*, aliquando oliva mixta *Statio*, & quod urgentius, non Octavii tantum Augusti in honorem cusi hi nummi coronati, sed Cæsaris, Caligulæ, Galbæ, Claudii, Antonini Pii, Trajani, & aliorum civium Romanorum, observatos cives, vel ampliatis. Nec plus auxilii ex inventæ crucis, tempore Helenæ, historia, me sponsore, invenient, mihi justis de causis juxta & magno *Salmasio* suspecta, quia altum ejus apud *Eusebium* istorum temporum æqualem est silentium. Addo non convenire inter se figmenti auctores. Nam *Theodoretus*, *Alexander Monachus*, *Rufinus*, *Socrates*, *Sozomenus*, *Georgius*, *Hamartolus* gravem mulieris morbum ab umbra sive contactu crucis depulsum; *Sulpitius* verò *Severus*, *Paulinus*, *Leo* Imperator in Bibl. Patrum mortuam scribunt ad vitæ rediisse usuras, quod *Nicephorus* cautior, famę potius vulgi quam certæ relationi consignat. Nam *Ambrosius* solo titulo agnitam crucem proficitur, nullo alio miraculo. Ratio igitur Panacæ à Deo per occultam causam, à natura tamen haud alienam repetenda, quia & in aliis fontibus mirabiles observamus eventus. Ubera nutricibus restituit juxta Negarinum fons; teste *Leandro*. Stryx nisi Asini cornibus nusquam continetur, si credi-

credi-

credimus *Seneca*, *Isidoro*, *Aeliano*. Ab occulta for-
 tassiss venenatorum qualitate, qua Narviæ aquas
 refugiunt serpentes apud *M. Cromerum* in Polo-
 nia, *Cuspinianus* de S. Crucis fonte refert & in cruo-
 rem mutari subinde, & utilem multis languori-
 bus. In vortice Siculo vitæ restituantur suffocata
 ex *Aristotele*, & Puteolis in antro canino. In Sar-
 dinia perjuri vel occæcantur vel clarius cernunt
 ex *Solini* narratione & *Rhemnii*. Aquis B. Virginis
 Saonensis mirandam ad sanandū virtutem ascri-
 bit *J. B. Albertus*, & de voraginibus fluviorum no-
 ta res & decantata. Sed me contineo, quia in his
 rationi præferenda experientia, consilio *Herodoti*
 apud *Oribasium*, præsertim quum fundi istius na-
 turam vel vaporibus, vel succis, vel metallis, vel
 lapidibus, vel terris imprægnatam nobis invide-
 rit *Joannes*, ad hominem ægrum ab ætate, morbo,
 paupertate, aut reparata salute describendum hoc
 textu properans :

Comm. V. λέγει ὅτι πρὸς ἀνθρώπου ἐκείνους τριάκον-
 τα ὀκτώ ἐτη ἔχων ἐν τῇ ἀδυναμίᾳ. De morbi ge-
 nere acriter disceptatur. Ἀδυναμία omnem no-
 tat imbecillitatem *Matth.* xxv. 26. 44. *Jacob.* v. 14.
Suidas: ἀδυναμία, παλαιπωρία, νόσος, ἀδυνα-
 μία. Imbecillitas, morbus, impotentia. Apud *Hippocra-
 tem* ἀδυναμία ad morbum proclivis sive natura sive
 morbo, & διὰ τὴν ἀδυναμίαν separatur, quod
 hic ἀδυναμία sit. Ita & *Matth.* x. 8. de valde
 infirmis. De imbecillitate remediorum quoque
 explicat *Galenus*, & *Suidas* ex *Aristophane* de pau-
 pertate,

pertate, quia τὴν τύχην ἰδίως νόσον φασίν. Non-
 ster utroque fato miser, rectè ἐμπεδόμοχος
 dicitur Nonnio. Non quod orbus oculis fuerit, ut
 censent aliqui, sed quia perpetua nervorum
 resolutione corripereetur, quam Paralyisin Græ-
 ci nominant. Huc inducor 1. Auctoritate
 vet. Patrum S. Ambrosii, Chrysostomi, Theophy-
 lacti, Gregorii. 2. quod pedibus vinctus ambu-
 lare nequiverit. Unde ἀτίνακ] Nonnio 3. quia
 κρεβάτ] Paralyticorum proprius Marc. 11. 4.
 Αἶθρ. ix. 33. per κλίνην Math. ix. 2. Luc. v. 18. sive
 κλινίδιον Comm. 24. sed utrumque conjungitur
 Αἶθρ. v. 15. quia apud Svidam: κλίνη τὸ κρεβά-
 τιον, & τὸ ὤπυ Amos 11. 12. per grabatum red-
 dit & Vulgatus & Aquila, quod LXX. est κλίνη.
 Aliter σκιμπίδιον, quod κρεβάτιον vocat Hesy-
 chius, in quo portari ægrotantem ad balneum
 voluit Galenus, de cujus forma consulendus Mer-
 curialis, affinisque erat illi lectus vel pensilis ex
 toto, ægrorum proprius apud Celsum, Aetium, Pri-
 scianum, Aurelianum, vel uno pede ligatus instar cu-
 narum. 4. Ab ætate Viri ad Paralyisin apta. Pro-
 vectior enim erat & morbo & annis. Nam Comm.
 VI. πολλὸν χρόνον ἔχῃ, quod nō tantum de mora-
 bi tempore, ut Erasmus, Beza, Tremellius & noster
 Interpretes vertunt, sed ætate quoque ægri cum Ara-
 be, Syro, Vulgato & Lud. de Dieu accipimus. Verosi-
 mile quippe ante xxxviii. annos grandiore
 fuisse natu. 5. Accedit aer frigidior, siquidem tot
 annos

annos sine cura exegerat. Nam à madido pallio manus paralyſis apud Galenum inducta. 6. Ratione clariori ex Comm. II. ubi ξηρὲς Paralyticos credo. ξηρὴ mulier apud Comm cui alvus reficcata, & ξηρῶδες δύσπνοοι qui in tabe areſcunt. Suida ξηρὲς ὁ ἰσχνός, gracilis, macilentus. Ego pro atrophia, ultimo inveteratæ Paralyſeos gradu, teſte Fernſio, interpretor. 7. A curatione per balneum, in Paralyſi tam ab atrophia, quàm frigore commendatum vehementer C. Aureliano, Plinio, Vitruvio, Sylvio, Mercuriali, Saxonia, Mercato, Sennerto, Zacuto. 8. Eundem credunt Leontius, Chryſoſtomus, Euthymius, qui Matth. IX. 2. Marc. II. Luc. V. Paralyticus vocatur. Sed eodem anno editum miraculum alia interceſſere, Paralytici imprimis ſervi ſanatio Matth. VIII. Ille in domo, hic piſcina erat. Hic Hieroſolymis ſine homine comite, ille Capernaum quatuor hominibus per teſtum demiſſus Marc. II. Ille junior, noſter conſenuerat. Nam quod additur: πριακὲν ἔα ὁκλῶ ἔτι ἔχων: Inveteratum morbum notat, & curandi difficultatem. Unde νῆσον κύκλαδα Nonnius appellat, non ob annorum cyclum, ſed πείσδον, qua exaſperata Paralyſis, ut cepit Galenus de morb. tempor. Neq; animus eſt ad infirmi ſymbolum hunc numerum cum Auguſtino & Bungo referre, quaſi quadragenarius ſaniratis ſit hieroglyphicum. Fortuitum monſtrat octavus decimus annus Luc. XIII. II. & duodecimus Luc. VIII, 43. devotumque patientiæ exemplum hinc condunt

condunt alii. Verius anni climacterici fructum dixerim, si illi aliquid tribuendum. Index enim est XLII. anni, qui incider fortassis in annum ejus LXIII, si xxxviii. annis, quibus morbo detentus fuit, addamus xxv. Accedit difficultati curationis senile corpus & prostratae vires, ut vix *βεβαιον ἄσθμα* responsurus Christo traxerit, quod ipsum inter *ἐνδύς* asserit. Imò ministrantium penuria. Nam queritur *Comm. VII. ἄνθρωπον ὅδε ἔχω* : sive amicum, cujus opera in descendendo uteretur. Forsan Medicum voluit à balneis, qui cum *ἄνθρωπος* sit, si in foro Romano versetur, servus non fuit, quia hi nullo censu. Hinc injurios in artē Divinam dixerim, qui Medicos olim Romæ servos plenis buccis declamant, *ICTorum* freri auctoritate. At si ex *JCr*is cum illis agamus, liberalibus sanè studiis Imperator accenset ff. *de Extraord. Cognit.* ubi eadem l. i. §. i. Medicorū causa est quæ Professorum. Alibi quæ l. 6. ff. *de Excus. Tut.* Grammaticis, Sophistis, Rhetoribus annumerantur *περιοδοποι*. Qui quidem Circulatores ibidem appellantur, non quod *ἀγορεύς* fuerint, sed Principum in itineribus socii, unde Comites dicti. Sano etiam sensu inferior Græcia *περιοδοποι* pro sanare dixit, secus ac magno *Polyhistori* visum. Juvat libertatem, quod Amici fuerint Principum, ut apud *Tacitum* Eudemon & *Senecam* & *Cassiodorum*, quum inter Dominum alioquin & Servum nulla amicitia. Ad Magistratum quoq; evectos Inscriptio Arestensis testatur, ubi *III Vir Medicus*.

Conju-

Conjugia illorum aliæ decantant Inscriptiones,
Romæ in Basilica olim D. Petri.

D. M.

C. CAECILIO. C. F. SAB.
AQUILÆ.

CAECILIÆ. C. L.
MOSCHIDI.

C. CAECILIUS. DIÆTUS.
MEDICUS.

FILIO. ET. LIB. CONJUGI
SUÆ PISSIMIS.

Non absimilis infra Capitoliū: D. M.

CLAUDIÆ EVTYCHIAE.
CONJUGI. SANCTISSIMÆ.
BENEMERENTI.

HYMENAEUS. MEDICUS.

Servorum autem contubernia erant, non conjugia. *ff. de ritu nupt. l. 49.* & contubernalesservorum uxores *l. 12. §. contubern.* &c. sicut eorundem ferè peculium, non salarium, liberalium artium medicorumque stipendium *l. 16. §. 1. de alim. legat. l. 4. de decret. ab ord. fac.* Nolo urgere legationes, quia exceptionem prævideo ex *l. 101. ff. de Verb. signif. & Scribonio Largo.* Functus tamen est Exagon apud *Plinium*, & de alio elegans extat Inscriptio *Mediolani*:

C. VALERI. PETRONIAN. DECURION. T. F.
SACERD. JUVEN. MED. CAUSIDIC.
QUINQ; GRATVIT. LEGATION. URBIC.
ET PEREGRIN. PRO REP. SUA. FUNCT.

VALE-

VALERIUS EVTYCHIANUS VI VIR. AUG.
PATER. FILIO INCOMPAR. ET SIBI.

Nec nominibus insistam, quæ servis rarò nisi sola, Medicis autem sua Prænomena, Cognomina & Nomina, ut *Aurelio Cornelio Celso*, & passim aliis. Præterire non possum expressam ingenui Medici Inscriptionem Romæ ad D. Crucis Hieros:

M. JULIUS INGENUUS P. R.
MEDIC. COH. II. VIG.

Unde & Scholas suas habuisse, ex ruinis in Esquilis observavit *Ligorius*, ibiq; suos tabellarios vet. marmor indicat ad D. Sebastian:

M. LIVIO. CELSO. TABULARIO
SCHOLÆ MEDICORUM

M. LIVIUS EVTYCHUS
ARCHIATROS OLL. D. II.
IN FR. PED. IIII.

Medici tandem suos etiam servos aiebant, ut *Cassius* apud *Scribonium*, quales erant Chirurghi seu Medici ludorum, veterinarii, ocularii, unguentarii, herbarii, medicamentarii, castratores, coci, tonsores, & alii ministri servientes, sicut *Aurelianus* vocat, quibus Archiatri primi & secundi ordinis, Archiattrorum Comites, & Eparchiatri imperabant. Non me terret *l. Ambit. ff. de decret. ab ord. faciend.* quia in *l. 53. de Verb. signif.* subsidium repperi. Nec lex *Aquilia*, quia & huic occurram, nisi fallit augurium. Quamvis igitur & insanabilis fuerit Paralytici affectio, deficiente Medico amico, curare tamen aggressus est Christus, quem Medicorum filii in se suscipere nec possent, nec vellent.

Enimverò consilio *Hippocratis* ipsius in *Arte*, *Galen*i, *Seneca*, *Gvidonis*, *Cauliaci*, pedem referunt quam mollissimè, quando servari nequeunt quos propria fors perimet, ne scilicet eventus mortalitatis ipsis imputerur. Magnus autem de cælo Medicus verbulo imperantis negotium confecit. Dixit, & factum est:


Comm. VIII. Ε' γειραι, ἄρον τὸν κεῖθεσάν σ' & καὶ πᾶσι. Quò triplicis nobis miraculi fecit fidem, quod statim dictum factum convalescit, tantasque momento receperit vires, ut & ambulare & grabatum ferre potuerit, quum ordines suos alioquin servet natura medendi artifex, parique temporis intervallo resurgat æger, quo laborare cœpit, statu neutro intercedente; & tandem, quod verbo solo morbum restrinxerit, ut phrasi *Tertullianâ* utar. Juvant verba variis prolata modis, obmurmuratione, susurro, elata voce, cantu, precibus, vel divina virtute, vel Magica, vel Naturali. Divina vi vel Christo propria imperando, ut in præsentī instituto, vel Sanctis communicata orando, in nomine *Jesu Actor. III. 6. ix. 34. xiv. 9.* Magica, verè impia, seu verbis significantibus seu barbaris, pacto cum Dæmone vel expresso vel occulto, quam falsò ex cœlestibus corporibus advocavit *Paracelsus*, de Philosophia sagaci audacter sustinens, tertia Magiæ, specie seu naturali posse quemcunque proferre, Surge, tolle grabatum tuum & ambula. Item: *Lazare expergiscere.* Quo incantationes veterum spectant, quibus sanguis *Ulyssi* repressus apud *Homerum*, Oroadanti apud

apud *Heliodorum*, à peste liberata *Ægyptus* apud *Svidam*, luxata membra restituta, si *Catoni* fides, *Ischiatici* curati *Theophrasto*, podagrici apud *Varro-*
nem; vecordia maritis injecta ex *Tacito*, percussi à
 scorpione procurati, ossaque ex gutture exscrea-
 ta apud *Galenum* & *Trallianum*. Quæ, à *Chirone*
 quanquam usurpatæ, in *XII. Tabulis* damnantur,
 & ab *Ulpiano* in *l. i. ff. de Med.* ut né Medicorum no-
 men mereantur quæ Medicinæ genera non sunt.
 Sed de malo carmine hæc accipienda moneo,
 qui certò credam nec à naturali curandi ratione
 abhorreere omnes voces, nec superstitiosum in
Epilepsia esse carmen cum *Fernelio*: *Gasspar fert myr-*
rham, &c. & experientiæ & rationi consentiens,
 quemadmodum infusurratis verbis sordiculæ
 oculorum & hordeola eruuntur, *Marcello* auctore.
 Cantu *Cretensem* pestem *Thales* expiavit, lym-
 phaticos *Xenocrates*, phreneticos *Asclepias*, melan-
 choliâ *Saulis David Psaltes*, convulsionem à *Ta-*
rantulæ veneno inductam *Appuli* sono phrygio
 aut hypodorio, & plerosque morbos *Lesbii Jo-*
nesque apud *Boëthium*, ut alia *Galeni*, *Averrhois*, *Ari-*
stotelis, *Martiani Capella*, *Marcelli* hujus census loca
 prætermittam. Precibus *Psyche Apulejana* quid-
 vis à *Cerere* impetravit. In quam rem dignissi-
 mum adnotamus textum *Jacob. v. 14. ἀὐτὸς ἐν τῷ*
ἐν ὑμῖν, advocet, Præbyteros Ecclesia, & orent super
eum. Et *Comm. 15. Oratio fidei servabit laborantem, &*
eriget eum Dominus. Quem de corporali curatione
 contra quosdam diversum sentientes, neutiquam
 de extrema Unctione Sacramentali, gravissimis

permotus momentis explico. 1. ex loco paralelo, *Marc. VI, 13.* 2. ἀδοῦναι τις, de periculoso morbo sumitur, ut & ὁ κάμνων, de jam ferè emortuo. 3. οἱ πρεσβύτεροι Medicinæ gnari seniores, seu Ecclesiæ ministri utramq; olim scientiam conjungentes, sive illi tanquam qui dono miraculoso sanationum excellebant, ut *Paracelsus, Belgici*, credunt, & *Brochmannus* noster, sive omnes promiscuè, qui regendæ Ecclesiæ præsunt, quæ *Calvini, Aretii, Piscatoris* fuit sententia. 4. Oratio communis est, non sacramentalis, de corporeis bonis ad *Comm. XIX.* 5. σώσει τὸν κάμνοντα, *Syrus* vertit, sanabit corporaliter, nisi utramque sanandi viam cum *Hugone & Thoma* eligamus. 6. ἐγερῇ αὐτὸν, excitabit. *Vulgatus* alleviabit, de corporea valetudine ubique invenitur, nunquam de læritia spirituali, ut fingunt, nec animæ salute, nisi in allegoria *Eph. v, 14.* 7. Apertè à remissione peccatorum *comm. 15.* distinguitur. Nihil horroris incutiunt *Bellarmini, Corn. à Lap.* argumenta, nullis precibus admittenda. Id unicum deprecor, quod plus ad proscribendos morbos ponam ponderis in sacris Oraculorum Divinorū verbis, sine superstitione plebeja, ex fide prolatis, quam superstitiosis agyrtarum miraculis. Sed quicquid horum sit, si eo nos rerum compulerit necessitas, & hic & alibi, quia Dii non sumus omnium capaces,

Moniti meliora sequemur.

HISTO-



HISTORIA PARALYTICI SECUNDI
ex Matth. VIII. & Luc. VII.

ALterius Paralytici, Centurionis cujusdam, historiam juncto studio *Matthæus* & *Lucas* texuerunt, in hoc tantum diversi, quod ille brevior summa capita signârit, hic fusiori opera circumstantias sit persequutus. Credimus enim utrumque scriptorem divinum, idem mirandæ sanationis opus, rem eandem finita Panegyri in Capernaum gestam, diduxisse. Hanc nos in præfenti, more nostro, Medico Commentario illustrabimus. Subjectum præsentis morbi, à Christo perfanati, sive, ut apertius loquar, eger ipse, *δῖλος* est *Lucæ*, *Matthæo* *παῖς*, quæ pari significationis passu pro Centurionis filio ambulant, ne utiquequam de servo explicanda, quemadmodum omnes ferè *Interpretes* suspicantur, Romanæ civitatis ignari. Solus *Italus* ampliori voce *il mio famiglia* delectatur, ut frustra sit *Ambrosius*, certo consilio factum ratus, quod ad filium Reguli ire noluerit. Christus, sed ad servum Centurionis. *Παῖς* utrique historico persæpe, *Matthæo* semper appellatur, qui filii induit notionem *Matth. XII, 18.* & alibi, ne Græcos *Interpretes* nobis obvertat *Chemnitius*, aut aliorum locorum consensum, quæ vel ad Deum referuntur, vel populum diversis institutis à Romanis dissidentem. *בֶּן* quid sit, non ignoro. Sed latiore sensum indulget *Mercerus*, à quo

nec profani abhorrent. Apud Græcos frequen-
tissimo usu *παῖς* de *Filio* cujuscunque ætatis, &
παῖδες de liberis usurpantur apud *Homerum* Il. ψ.
& υ. & Od. α. *Platonem* de Rep. 2. *Lucianum* de
Cal. *Plutarchum* de frat. char. *Thucydidem* L. i. Qui-
bus adde *Euripidem* *Hecub.* Prol. De *Filia* quoque
cepit *Aratus*, *Sappho*, *Pausanias*, *Laërtius* & alii, quo-
rum signata verba congeffit *H. Stephanus*. Pueri
nomenclatura apud *Paulum* *Ictum* L. 204, ff. de
verb. sign. non tantum servum & puellam, sed
quamvis ætatem puerilem complectitur, sive ea
servorum sit, sive ingenuorum. Quod nec aliis
infrequens. *Hellenistis* *παῖδες τῶ Δαβὶδ* milites
ejus dicuntur, quo nomine & *Præfecti* supremi à
Rege passim iisdem Græcis veniunt, annotante
Heinsio c. 20. *Arist. Sacr.* Ita *Joab* *Hellenistis* *παῖς Βα-
σιλέως* erat 2. *Sam.* & alii, quos minus propriè
servorum catalogo ascribimus. In Republica
sanè Romana, cui *Centurio* ejusque exercitus pa-
rebat, summo studio & deliberato consilio cave-
batur, ne nomen servi militiæ darent, ut ex edi-
cto *Marciani* constat L. ab omni ff. de re mil. alio-
quin capite puniendi. Quis id *Centurionem* au-
sum pertendat? Malè sibi consulisset, & ut in-
quisitor, peccasset, siquidem de lectis vera pro-
didit *Plinius* L. x. *Epist.* 39. Nulla præterea ibi-
dem servorum cura, quia pro nullis habiti L. 32.
ff. de div. reg. jur. & par illorum cum mortuis con-
ditio, quia mortalitati cōparatur servitus L. 209.
ff. de div. reg. nec ulla inter eos & *Dominos* ami-
citia.

citia. Noster tamen ἐν ἡμῶν erat Centurioni
Luc. vii. comm. 2. cujus sanitas repetitis per Se-
 niores Judæorum & alios amicos Legationibus,
 imo per Patrem ipsum procurata diligentissimè.
 Sequutus ea parte prudens Centurio aliorum Im-
 peratorum exemplum, qui de ægrotantium mili-
 tum valetudine anxie laborarunt. Testis *Vegetius*
L. 3. R. Mil. c. 3. *Ut agri contubernales opportunis cibis*
reficiantur, ac Medicorum arte curentur, Principum, Tri-
bunorum & ipsius Comitis, qui majorem sustinet potesta-
tem, jugis queritur diligentia. Quo fine aquè *Vitru-*
vium L. 1. Archit. c. 4. extra inspiciebantur in ca-
 strorum positione, & Consul *Censorinus, Appiano* te-
 ste, in obsidione Carthagenensi castra mutavit.
 A *Lampridio* laudatur Severus, & Hadrianus à
Spartiano, quod de militibus ægris adeò fuerint
 solliciti, ut carpentis vehendos curarint, necessa-
 riis omnibus adjuvarint, & ipsimet per tentoria
 visiterint. Infra dignitatem hæc reputassent, si
 res servorum fuisset acta. Quod si ὁὅς βασιλικῶς
Johan. iv. huc spectaret, omnia forent expedita.
 Sed justis de causis aliò ægrum istum relegamus.
 In quo tamen annotandum quod Syro ὁὅς iste sit
 נכנר דל βασιλικῶς, Sicut *Homero*
Θερᾶπων Ἀρηος, & 2. Sam. 2, 30. 31. δᾶλοι δαδιδ,
 pro militibus. Δᾶλ, igitur hic est Centurio-
 nis apud *Lucam* qui *Johanni* ὁὅς. Quod si displi-
 ceat, alias subornabo causas, cur *Lucas* δᾶλον
 maluerit. Sive quod in patria adhuc esset pote-
 state, non dominica *l. i. Inst. Just. tit. 8. de Pers. divo*

& L. i. ff. *de his qui sunt sui vel alieni juris*: Sive, quia Medicus fertur *Lucas* Romani ægrotantis descripturus morbum, quod pristinam valetudinem ambiret Centurionis filius. Nam in l. 4. §. *Stichus*. ff. *de stat. liber*. Servire nobis illi intelliguntur, quos curamus ægros. Nullum est effugium *Guil. Aderi* Enarr. 2. aliorumque, ipsum Centurionem accessisse, si pro filii salute supplicasset: Etenim apud *Matthæum* ipse dicitur advolasse Centurio, quum animadverteret scilicet, in vicinia esse Christum, importunis Seniorum amicorumque precibus illectum. Iter subterfugiebat, ne solum sine auxilio filium, mortis candidatum, in tentorio relinqueret; vel, quod verò sit similis ex *Luc.* comm. 7. quia *μὴ ἱκανὸν* seu *μὴ ἀξιον* se judicaret, communibus nominum erratis obnoxium, & Paganum, à fœderis sancti religione alienum. Certum enim est militiæ Romanæ Prætoriae cohortis fuisse Centurionem, de cujus dignitate & officio videlicet *Vegetium* L. 2. R. M. c. 8. 16. *Sigonium* L. 2. Antiq. Jur. Prov. c. 2. sive C. Cornelius is fuerit, C. Oppii Centurionis Pater, ut suspicatur *L. Dexter* in Chronico à *Corn. à Lapide* in Chronotaxi citatus, sive alius. Nihil meo iudicio vetat, quo minus etiam nativitatæ suæ ipsum puduerit, secus quam contendit *Maldonatus*. At Palæstinæ natales debuisse, nunquam mihi persuaserit *Hilarius*, aut *Contzenius*. Quid enim illud *Luc.* VII, 5. *ἀγαπᾷ τὸ ἐθνικὸν ἡμῶν*? Quorsum *Matth.* VIII, 12. *ὑοὶ τῆς βασιλείας ἐκβληθῆσονται*, h. e. Judæi, quorum prærogativæ recensentur

Rom.

Rom. IX, 4? Filium autem adducere præsentem, nec itineris pariebatur difficultas, nec ultimum gravissimi morbi momentum, verè fontici, qui ex *Caspio* apud *Javolenum*, cuique rei nocet, vel, ut clarius *Marcellus* definivit L.6. ff. de re jud. qui cuiusque rei agendæ impedimento est.

De morbi genere paucis disputandum. Non exprimit *Lucas*, nisi quod fuerit κακῶς ἔχων. *Matthæo* tamen παράλυσις placet: βέβληται ἐν τῇ οἰκείᾳ παράλυσις. Ne de eo dubitemus, similem Paralyticum seqq. capituli commate 2. βεβλημένον exposuit. Liberalior *Grotius* *Apo-*plexiam amat, qua periit. *Celsus* quidem L.3.c.27. suo tempore παράλυσιν utrumque appellari vidit: verum exemplo carere, rectè monet *Ronsseus*. Insanabilem autem esse & παράλυσιν confirmatam, nullus Medicorum dubitat, ipso præeunte *Celso* jam laudato. Duplex ea quum sit ex *Marcello Empirico* c.xx. una cum contractione, quam conductionem nuncupat *Aurelianus* L.2. Chron. c.i. altera cum remissione nervorum: Illa autem sit vel permanens vel intercurrent; illam, aliis *Pseudoparalyfin*, plerique videntur elegisse, tam *Inter-*pretes, quam *Commentatores*, vocantque contractos ea Paralyfi correptos. *Germanus Bichtrichtig* vertit, *Danus* verus *Werckbröden*. Reliqui nomine generis acquiescunt rectius; ut & *Glossæ* marginales *Danica* *halsfrörd*. Nihil enim video gravioris causæ, quo minus vera & legitima nervorum resolutio esse potuerit, quam παράλυσιν

vocant Medicorum filii, & *ᾠδὴ πληγίαν, & ἡμι-
 πληγίαν, & πάρεσιν*. Illam sacer vates hic sequi-
 tur, in qua, ut eleganter *Hilarius* loquitur, *artus un-
 dig, fluidi & ad consistendi officium agendiq, corrupti*.
 Negant strenuè *Theologi* quidam magni nominis,
 quia nervorum resolutio partium est particularis.
 Verum enim verò ignorant boni illi Viri singu-
 lorum nervorum exortum, progressum & inter-
 rionem, à quorum resolutione inducitur *ᾠδὴ
 λυσις*. Non strictis adeò limitibus constringitur.
 Et partes singulas discretasque occupat, tam ex-
 ternas, quam internas, & totum latus, imò, quod
 mireris, universum corpus minutissimis quibus-
 dam particulis exceptis. Idque à diversa ner-
 vorum diversorum affectione. Ex infimæ con-
 jugationis resolutione, inferiores partes motu
 sensuque destituuntur, ex superiorum passione,
 reliquæ, ad quas deferunt animalem spiritum, si-
 ve plures sive pauciores pro nervorum varietate,
 deficiunt. Unde particulares emergunt *Paralysees
 palpebrarum, lingua, gutturis, manuum, penis, crurum,
 cordis, & sic consequenter*. Extant illarum in sa-
 cris quoq; exempla. Manuum *Esa. xlii, 7*. Lum-
 borum *Ezech. xxix, 7*. genuum *Nabum. ii, 10*. Me-
 taphorica partim, partim propria. *Manus* ex af-
 fectis nervis quinti, sexti & septimi paris cervi-
 cis, & primi secundiq; Thoracis labascunt. *Crus,
 genu pedesq,* neque movent se nec sentiunt, si in-
 comodum sentiant nervi ex osse sacro prodeun-
 tes, & Lumborum vertebres. *Lumborum* muscoli
 officio suo fungi nequeunt, nisi expeditiores red-
 dantur

dantur à nervis lumbaribus. Quod malum experiuntur & *renes*, ad sensum nervis stomachicis instructi. Non nos moveat quod intus se recondat, quando quidem ratione credibile judicat *Aurelianus* L. d. interiorum singula vitari, ut *pulmonem*, *cor*, vel *discrimen Thoracis atq; ventris*, (h.e. diaphragma) vel *splenem*, aut *jecur præveniri adprehensione mortis patientem*. Ita quippe locum obscurum facili mutatione restituo, textu non repugnante. Nam in his resolutionibus patiens prævenitur *adprehensione mortis*, h.e. nullis signis aliis prægressis signatur quam morte ipsa, quomodo *signa per apprehensionem* propriam statim explicat. In eadem sententia fuisse *Herophilum* idem monet, repentinam mortem nulla ex manifesta causa venientem, fieri cordis paralyti. De resolutione *linguæ*, *carnis* ex *Zach. xiv, 14.* quam in Harmonia adducit *Chemnitius*, ipse dubito, adeoque alibi excutienda. Non quod mihi lateat, quid oculis linguæque accidat, nec quid de carne seu musculo affecto subtilis *Capivaccius* frustraneo opere rimetur, si *Galenum* 4. L. A. c. 4. ad veriores partes vocaverit. Totum Latus pari facilitate vis morbi pertentat, quando ad alterum spinalis medullæ principium dilabitur. Quin universum ferè corpus comprehendit, & in Apoplexiam deinde migrat. Testis *Aurelianus* laudatus: *Hæc passio nunc partis est, nunc partium, nunc totius corporis*. Tale exemplum observasse se in scorbutico D. *Janus* Medicus Regius narravit, cui tamen illæsa erat gula. Hinc lato Apoplectici nomine non raro venit

venit παράλυσις apud Hippocratem. Excutiat loculos suos Fæsius in œconomia. Nobis sufficiat Aph. xi. sect. 7. τὸ δὲ πᾶν πληκτὸν, quod ex L. i. de Morb. v. 50. faciem mutuatur. Idq; quia Galeno in Def. Med. tantum ut pars à toto differt. Majori specie verì convulsionem putat Adorus, cujus vestigiis institit Corn. à Lapide, quia βασιανίζομεν & additur. At Paralysis sine sensu est, sine motu. Centurio verò Medicinæ imperitus cum vulgò loquitur, paralyticos esse quoslibet motu captos. Hinc ut se extricent, valdè sudant. De principio accessionis nullum dubium, priusquam confirmetur. Habet tum sua tormenta, suos cruciatus. Displicet id Chemnitio, quia non in principio morbi erat famulus, sed ἐμελλε τέλει τῶν, Adamus à Contzen miram hoc cruciatu vocat Paralytin & subitam, non ordinariam. Ego nullo labore tormentorum istorum in vera Paralyti rationes inveniam. Nam 1. βασιανίζομεν & dicitur jam moriturus, ubi dolor anxietasq; ex ambiguo vitæ mortisque certamine & morbi vehementia exacerbantur. 2. Ob diurnâ molestissimi morbi moram satis animo cruciatuum cōceperat, & infelicitis vitæ tædia, ut velut per lapidem lydium sine aliis tormentis fuerit probatus. Ea verissima hujus vocis est notio, ut auctor est Suidas, collectis in eam significationem veterum testimoniis, magisque propriam esse, quam de tormentis & questionibus jocus Luciani in Soloec, pueri βασιανίζομεν & clare ostendit. 3. Vel succedebat Convulsioni

fioni Paralyſis, vel uterque affectus erat complicatus rariffimo exemplo, quod obſervarunt tamen, *Hippocrates* in illo, cui auris dolebat poſt *Vergiliarum* occaſum *L. 4. Epid. S. 7. Abenſina* 3. fen. 2. *Foreſtus*, *L. 10. Obſ. 95. 121.* & ego non ita pridem in *Anna Longomontana* deprehendi. Nec mirum ſi ex *Aureliano*, *Marcello* aliisque Paralyſin cum conductione ſive contractione admittimus, modo remittente, modo perdurante. Hinc rectè *Valleſius* in *Epid.* determinavit, paſſiones eſſe loco affecto & materia ſimiles. 4. Impoſſibile non arbitramur dolores cruciatusque partibus ſubinde pro cauſarum varietate inſidere; quando illæſo ſenſu motus tollitur. Hinc *μὲν βασιάνη μεγάλης* reſolvebatur *Alcimus* 1. *Machab. 9. comm. 55.* quem verum credo Paralyticum, ſecus ac ſummo Theologo viſum, auctoritate *Calii Siccenſis* in ſimili Paralyſiſ frerus. 5. Orta forſan Paralyſis ex caſu vel vulnere, ubi maximo doloris ſenſu, prout vel lethalis fuerit, vel minus noxia, percelluntur. Hujus farinæ reſolutiones ſubminiſtrant nobis longa ſerie *Galenus* 3. *L. A. 10.* & 4. *L. A. 4. 5.* *Aurelianus* 1. 2. *Chron. c. 1.* *Gradius* in *Rhaz.* *Foreſtus* 1. 1. *obſ. 95. 121.* *Schenckius* ex *A. Benedicte* *L. 1. Obſ. 172.* *Zacutus* *L. 1. Hiſt. Med. 48.* aliique numero plures. 6. In Pſeudoparalyticis dolorem deſcribit *Horſtius* noctuq; dieq; perſeverantem, referente *Schenckio* *L. 1. Obſ. 179.* 7. Quid ſi cruciatus hos reſolutioni ſuper impoſuerit malus Dæmon, in hominum tormenta promptiſſimus? Nihil defini- vero, cuius ulterius cogitandi arbitrium reli-
cturus

cturus, quanquam promptior sim intra Naturæ limites me continere.

Nam *Causas* Naturales huic affectioni assignarim varias. Taceo consuetas tritasque, frigidas, lentas, humidas. Hominis conditio & doloris magnitudo vulnus inter primas causas asserit. Velenim miles erat, seu $\delta\lambda\alpha\ \textcircled{\text{A}}\ \rho\eta\textcircled{\text{A}}$, vel inter milites quotidie versabatur. Si ætatem juvenis spectemus, & fervētioris climatis temperiem, calidioribus humiditatibus auctum malum & accensum, secus ac contendūt *Mercurialis* L.1. Prax. 20. *Rondeletius*, c.23. *Cur, Morb.* vel sanè ipsa calidior intemperies, densando nervos & exsiccando, humoresque in reliquo cerebro frigidiores colligando, passionem acceleravit. Ex tertianis Paralyseos observavit *Fernelius*, ex Colica *Paulus Aegin.* l.3. c.18. 43. *Nicolus Flor.* l.5. tr.8. c.40. *Trincavellius* l.3. c.1. *Pulverinus* c.55. Art. Med.&c. Ex Peripneumonia *Galenus*. *Saxonia* ex oris ventriculi inflammatione. Omnia ex bile per primam $\tau\eta\varsigma\ \mu\epsilon\tau\epsilon\pi\iota\omega\sigma\epsilon\omega\varsigma$ speciem translata, transmutata, temperata, quæ quidem, quia sui subinde relinquit vestigia & membranas quasi $\epsilon\upsilon\ \pi\alpha\rho\acute{o}\delta\omega$ per vices lambit, convulsiones Paralyseos miscet, meatu non penitus intercluso, sive id fiat quando pori oblique concidunt, ut *Cassius* Probi.81. prodidit, sive alia ratione, ab hoc loco & instituto aliena.

Quamcunque eligamus Paralyseos nostræ occasionem, male omnino *auguramur* ex causis ipsis, morbo, & symptomatibus. Accidentia duo vehementer-

mentissimè affligentia eventum minus prosperum portendunt. Dolor ingens *δεινὸς βασανίζουεν* *Matth. comm. vi. κακὸς ἔχοντ* *Luc. comm. 2.* & virium totiusque corporis jactura, insigni verbo à *Matthaeo* expressa. *βεβληται*, projectus est. *Vulgatus*, jacet, quàm rectè, ipse viderit. Urgentius alterum, sicut & socrus Petri *infra comm. 14.* dicitur *βεβλημένη*. In quam sententiam *Virgilius*:

Sternitur, & toto projectus corpore.

Cui opponi cernas apud *Hippocratem* 4. Epid. f. 7. *ἐσκήει*, in alio Paralytico. Si ex causis omine-mur, parum misero spei. Si mali originem vul-neribus debuit vel alii casui, ob divisum nervum incurabilis pronūciatur ab *Aegineta* L. 3. c. 18. *Abensina*, nisi juvamen post incisionem sentiatur, nec totus sit præcisus. Contrarium quidem in Comite Hercule Bevilaqua refert *Saxonia*; sed de combusto nervo accipiendus, neutiquam reciso, prorsus desperato. Quod si humiditates frigi-das, lentas, ad harum causarum censum vocave-rimus, fulmen adest *Hippocratici* oraculi 2. *Aph. 34.* Dissentanea quippe est affectio & *τῇ ἡλικίῃ* & *τῇ φύσει* & *τῇ χώρῃ*, adeoq; gravissima. *Ætati*, qui juvenis *παῖς* Centurionis. *Natura*, seu tem-peramento, quia calidiores qui orientem solem adorant, & ipse militaris ordinis tyro forsan, æstuante circum præcordia sanguine, ut Turno olim *Æneid. xii.*

Ardebat in arma magis.

Regioni

Regioni, quia Capernaum Galileæ metropolis sicco & calido sole torretur. Apposite igitur *Aurelianus* noster L. 1. Acut. c. 3. *Illud in ægritudine semper magis afficit, quod à natura plurimum recesserit.* In cuius veritatem diligenter, nec infelicitè *Galenus* inquisivit. Non minus periclitabitur æger Centurionis, si ab aridis calidisque causis Resolutio illius dependeat. Eædem premunt difficultates, ex adverso sibi oppositæ. Juvenes calidi sunt humidique, neutiquam sicci adustive. Regio quanquam calida, inter temperatas numeratur. Consuetudo denique seu vitæ institutum moderatum fervoris gradum expostulat. Norum *Fl. Vegetii* consilium L. 1. R. M. c. 2. tyrones de *temperatioribus legendos esse plagis*, quibus & copia sanguinis suppetat ad vulnèrum mortisque contemptum, & non possit deesse prudentia, quæ & modestiâ servat in castris, & non parum prodest in dimicatione, & consiliis. Ad morbi denique ideam si respiciamus, inter conclamatos habetur, *ἡμελλε τελευτῆν* apud *Lucam* Medicinæ peritum, quoniam eo jam vis morbi ingentis processerat, unde pedem referre difficile, & quanquam inducias mors concederet, Paraplegia in Apoplexiam, levi de causa degenerat. *Celsus* L. 3. c. 27. *In partibus ferè insanabilis morbus est.* Ita enim pro *sanabili*, omninò legendum. Denique, si quidem compositus est affectus, ex resolutione cum convulsione, augetur periculum vix evitandum, quum juncta unum affligant, quæ singula solent jugulare singulos.

Anxia

Anxia hac spe vexatus Centurio, condictis præficus, conclamatis omnibus, filii salutem ultimo auxilio procuraturus, audita de Christo fama, divino Medico & plurimis experimentis nobilissimo, Seniores primo Judæorum mittit, qui demandatum legationis munus fideliter nimis exsequuntur, ultra quam sperare vel posset, vel veller. Mox facili in petitionem Christo, quum urbi vicinus esset, amici occurrunt, Centurionis nomine rogaturi, superfederet tanta itineris molestia, non se dignum, cujus gentile relictum subeat, nec illius desiderari præsentiam, qui absens omnia verbulo uno potest expedire. Urbem autem ipsam quum inter hos sermones benignus in vota supplicum intrasset, tenuitatis suæ conscius sibi Centurio, iisdem verbis Christum aggreditur, quibus legatos amicos instruxerat. Duplicem errorē prudens alioquin Centurio videtur commisisse, tãto fastigio indignum. Importuno sanè consilio feroque Medicum advocat expertum, quum jam jam evoluturus spiritus in labiis pueri hæreret. Viciū seculo nostro & cœlo familiare, in vigore & summo morbi articulo de Medico cogitare, quum conclamata res &

Salus est nullam sperare salutem.

Ab his curis malis cavendum monet *Guido Cauliacus*, & ubi prognosticis alioquin relinquendi ægri in bivio vitæ mortisque, tutius est, qui servari non potest, suafore *Celso*, non attingere, ne Medici aut ignorantia aut negligentia periisse

C

videatur. Peccat præterea Centurio aliud peccatum, quod Medici præsentiam minus credat necessariam. Qua veritate à verbo ejusque efficacia sejunxerit personam Christi, litigent inter se Theologi. Apud nos ardua agitur quæstio: *An absens Medicus rectè curet?* Præsentiam Medici plurima exposcunt, morbi status & tempora, accurata causarum notitia, ægri temperies, consuetudo, habitus corporis & animi, accidentia præsentia, imminencia, & reliqua signorum sylloge, quibus ignoratis ne titivillitio æstimarim seu Medicum seu susceptam curationem. An ex solis transmissis urinis acquiescere queant, nolim determinare. Sunt ita in arte Uromantica exercitati quidam, ut morbum quemvis absentes divinent. Nuper id Daventriæ Chirurgus profitebatur, à quo quasi aliud agens didicit domesticus ejus, Vir Doctus, amicus noster, jamque alii sollicitè id exquirunt. Cæterum nemo approbaverit vulgi indocilis superstitionem, quod nullo casus aut ægritudinis discrimine, nulla aëris externi, injuriæ, nullaque commotionis intervenientis differentia, non raro absentium ægrorum affectus ex Medicis per vim quasi extorqueant. Rectè hi bullatores Medicis cordatioribus debent ludibrium, nuper à magno nostri ævi Asclepiade, *Olao Wormio*, damnati. Ingeniosum se hac parte præstitit Medicus quidam Batavus. Rustico urophoro quærenti, an ex bigis vel quadrigis æger frater esset lapsus, quum malè bigas divinaret, & aliquid tractu itineris profusum intelligeret,

telligeret,

telligeret, respondit: in deperdita urinæ parte reliquas duas rotas deliruisse. Suspenso naso excepti & ego quandam ex turbata quatuor abhinc leucis matula, an Lue venerea infectus esset maritus, inquirentem. Risi spectatū admissus. Scorbutum, malum inquilinum, pervidere me dixi, neutiquam Luem aliam, quæ itineris spatio evolaverat. Absentes febres civis quidam noster tinctor depellit, accurato paroxysmorum inito numero. Quid de morbis sympathicis dicendum? Armarium unguentum, multorum ingeniis nobilitatum, & pulvis, quem sympathicum nominant, in Galliis nunc usitatus, vires ad locum longius diffitum diffundunt. Crudus à vulnere culter, lardo impactus, idem vulnus perfanare apud vulgus nostrum fertur. Non ignoramus quo nomine curationes sympathicæ malè audiāt, quamque acriter se *Senertus* l. 5. *Prax.* p. l. c. 10. *Athanasius Kircherus* in *Arte Magnetica.* *F. Licetus* c. 55. de *Quæst. Epist. rom.* 2. & *Herm. Conringius* *Med. Herm.* c. 18. Viri Inclyti, opposuerint. Verum enim verò, *Crollio*, *Goclenio*, *P. Servio*, *Papinio* aliisque; horum fautoribus libentius, sano tamen sensu, accesserim, nec nimium illis tribuens, nec planè damnare ausus, quum infinita utriusque sympathiæ sint exempla, à finibus Naturæ minimè profliganda. Quidquid horum sit, quanquam rarò absens Medicus artis suæ det specimina; Centurionem tamen utraque hac culpa absolverim, quod de cœlitus demisso Archiatro securus, supraque omnium sortem elato, summa spei nifus fiducia Jesum in

extremis conclamati pueri corpore absentem, virtute tamen & divinitate præsentem ubique, imploraverit. Tantoque libentius intentato crimine liberarim, quod vocare & ipse & per amicos voluerit Medicum, ut hoc pacto ejusdem gravitatem tueretur. Pessimè se prostituit agyrtarum natio, quæ ostiarim ægros, velut mendici stipem, sponte sua conquirat, invitasque mortalium mercatur animas. Et notis & ignotis invidiosa erit hæc sive avaricia, sive stoliditas. Apud hos fallaciæ emergit suspicio aut insidiarum, apud illos contemptus. Promptissimas autem in vota ægri fidentis & venerabundi Christus, exemplo suo præivit non esse denegandam operam aut hostibus, quales Pagani erant & Judæi delegati, in quo errore versatur *Julius Alexandrinus*, aut aliis Divinæ artis contemptoribus, si quidem omnibus ex officio se obstrinxerit. Alia enim ratio illorum, qui Magistratui summo tantum obligati, vel aliis muniis impediuntur, vel sibi vivunt. Hostis sanitatem promoveri nulla lege vetatur, nisi vel Principis edicto prohibeamur, vel domestici amici retrahant. Moverant ea *Hippocratem*, ut magno *Artaxerxi* remiserit nuntium: *Persarum* enim opibus uti, neque ipsi æquum erat, neque barbaros morbus liberare, quum sint *Græcorum* hostes. Nisi ipsum se in hac Epistola vicerit humanissimus *Cous*, merito jure inter suspecta reponimus. Valerudinem omnium procurat Medicus, sicut amicitiam, nullo gentis, ætatis, sexus, aut religionis discrimine, quod princeps

princeps ingeniosi *Thomæ Browne*, Angli, in Religione Medici fuit institutum. Iccirco non culpandus Eruditus civis noster, nec Hebræi, *Castrenses*, *Zacutus*, *Benjamin*, *Chebibi*, aliiq; , quod ille apud Mahometanos feliciter, hi inter Christianos artem servandi mortales profiteantur. De pestilentia dubitatur justis de causis. Etenim quemadmodum quivis Christianus grassanti contagio se subducit, cui per vocationem publicam sive in Repub. sive in Ecclesia vacat, ut uno ore sentiunt Theologi *Calvinus*, *Beza*, *Tarnovius*, *Zanchius*, *Perkinsus*, *Rivetus*, aliique non pauci: ita Medicorum filios hac secessione sibi consulere fas esto, qui publico curandis ægris salario non sunt mancipati. Imò quanquā complures certis stipendiis Respublica conduxerit, laudandum tamen uni vel alteri id dare negotii, reliquosque à se ad loca tutiora dimittere, ut de Ecclesiæ ministris *Gerardus* tom. 6. Loc. Com. & *Zanchius* omninò considerate judicarunt. Nam Imperatores in prima acie summis periculis non tutò exponuntur, ne, paucos juvandi spe, tota Respublica damnum Principis excessu patiatur. Nec Medici una nocte nascuntur, ut fungi. Prudens Magistratus, sicut Nosocomia publicæ utilitatis grassante contagio adornat, ita Medicos omnium saluti excubantes lauta merce invitat. De reliquis *Jus Canonicum* decernit: si acciderit pestem in loco studii grassari, tunc posse Scholasticos & Professores in quandam vicinam civitatem aut oppidū secedere, eosq; tum comitatu-
ros privilegia quæ erant data studio generali in loco electo.

Professorum autem nomine & Medici veniunt in Jure Civili, ut videre est §. 1. ff. de *Extraord. Cogn.* Quod clementissimus quoque Magistratus noster benignè, dira aliquoties scæviente lue, nobis indulgit. Hæc causa fuit inter alias, ut citatus *Hippocrates* electusque, & præmio ingenti & oblato honore ad exercitum Artaxerxis non accesserit, quod *morbus pestilens dictus ejus exercitibus se applicaverat*, quemadmodum conqueritur ipse Rex magnus Epistola ad *Patum*. Cunctorum precibus satisfactorius Servator, non quod αἴτιος ὢν Centurio Paganus, ut vane delegati jactant Seniores, nec ob eorundem intercessionem, sed ob fidem Centurionis, & innatam sibi juvandi promptitudinem, dictum factum itineri se accingit, memor illius: καὶρὸς ὀξύς. Quod Epistola ad Cratevam *Cous* urget: *Quum ab omni arte aliena sit procrastinatio, tum verò maximè in Medicina, in qua dilatio vitæ periculum adfert.* De acutis alibi 4. Aph. 10. Φάρμακόν ἐν αὐθιμερὸν, χρονίζειν γὰρ κακόν: Medicari eadem die, tardare n. in talibus malum. In Chronica Paralyti periculosa æque palliativi auxilii mora, quia ἐμελλε τελεῖσθαι. Sed quum ad ædes recto passu tenderet *Jesus*, indignum se Paganum, peccatoremque plenis buccis clamat Centurio, sub cujus recto divertat. σέση tentorii erat seu Prætorii, ubi habitabat Centurio, de qua ad Paralyticum tertium plura occurrunt dicenda, ubi & recta militaria notabimus. Jam fidem Pagani hominis admiraturus seu laudaturus Servator mundi,

mundi, de gentium vocatione & ad captum nostrum cœlesti felicitate differit, sumpta ab accumbendi more Romanis Græcisque usitato, similitudine. Nihil spiritui DEI frequentius, quam cœleste gaudium per conviviorum solemnitatem exprimere. Ita *Luc. XIII, 16.* similitudine cœnæ opiparè instructæ, & *Matth. XXII, 2.* nuptiarum Reguli, æternus beatorum status adumbratur. Quotendi t, ἀνακλίνεσθαι *Luc. XII, 37.* & ἐσθίειν καὶ πίνειν ὅτι τῆς τροπῆς *Luc. XXII, 30.* Et *Apocal. VII, 17, XXII, 4.* ad divinam in cœlis beatitudinem trahuntur, quæ de convivio prodiderat vates *Esa. XXV, 6. 7. 8.* Οἰκονικὴ igitur est hæc Christi expositio à conviviis mutuata, in quibus antiquissimo plurimarum gentium ritu non assidebant more nostro, nec humi implexis pedibus jacebant Turcarum instar, sed discumbebant convivæ, ita ut alter caput alterius sinu, extensis vel contractis pedibus, exciperet. De antiquo Romanorum more pleni sunt Antiquariorum libri, *J. Lipsii L. 3. Ant. Lect. Petr. Ciacconii de Triclinio. F. Ursini in Appendice, Stuckii, L. 2. An. Conv. c. 34. Philandri ad Vitruv. Casauboni ad Baron. Mercurialis in Arte Gymn. Fabri in Agonist. & aliorum numero plurium. A balneorum Luxu introductum, quum olim auctore Servio l. 7. Æn. & Isidoro l. 20. c. 2. considerent, mox in consuetudinem abiit. Modum exhibet triclinium operis antiquissimi, quod Atestæ in palatio Georgii Contareni Senatoris Veneti diligenter lustravimus, ex*

ædibus Rhamufianis Patavio olim advectum, & à Mercuriale Ciacconio^q tum delineatum. Simile Romæ vidimus, cujus iconem magni Equitis Puteani beneficio in Observationibus Novis de Unicornu fideliter dedimus & explicavimus.

Apud Græcos idem factitatum ex Plauto, Terentio, Virgilio, Plutarcho, aliisque liquet, indicatque verus marmor cum Inscriptione Atestensis Triclinii, quod libavimus L. 1. de Luce Animant. c. 14:

ΕΛΘΕ ΚΥΠΡΙ ΧΡΥΣΙΑΙΣΙΝ ΕΝ ΚΥΛΙΚΕΣ-
ΣΙΝ ΑΒΡΟΙΣ ΣΥΜΜΕ ΜΙΜΕΝΟΝ ΘΑ-
ΛΙΑΙΣΙ ΝΕΚΤΑΡ ΟΙΝΟΧΟΥΣΑ ΤΟΙΣ
ΕΤΑΙΡΟΙΣ ΕΜΟΙΣ ΓΕ ΚΑΙ ΣΟΙΣ.

Pressius istū morem imitari sunt Judæi. Testis locus Philonis in L. De Vita Contemplativa, & disertè Rasis Talmudicus in *Suca* notat, veterū convivia fieri solita כחסיכה, h. e. cum decubitu. Ex voce *Mithoths* seu *lecto* idem *Stuckius*, & ex Canticis Salomonis Fr. Junius, pluribusq; Ciacconius per convivii partes, confirmarunt. Hoc situ Πρὶ τὸ εἶθ' ὁ Christi recumbebat dilectissimus Johan. XIII, 25. XXI, 20. infelicissime à pictoribus expresso. Et Lazarus Luc. XVI, 22. in sinum Abrahæ translatus dicitur, ducta à conviviis Judæorum consuetudine. Diversa autem esse apud Tertullianum sinum Abrahæ & Paradisum, Pagnino Gaudenzio in salebr. Tertull. c. 48. relinquo defendendum. Ad rem planè Livius & Plinius, ex quibus hæc lucem fœnerabuntur: Ille meretricem famosam Placen-

tia


tiæ in convivio L. Quintii Flaminii Consulis infra illum accubuisse, refert, & in sinu recubasse; Hic l. 4. Epist. 12. de Nerva: Cœnabat cum paucis, Vejento proximus, atq; etiam in sinu recumbebat.

Ne longius digrediar, ad ipsam Curationem revolvo gressus, duobus mediis confectam. I. λόγῳ Christi. 2. Ægri fiducia. Illud his verbis concepit: μόνον ἐπεὶ λόγῳ, de cujus efficacia in Paralytico primo quum egerimus paucis, hic actum non agemus. Hoc exprimit commate XIII: ὡς ὁ Πί-
 σευπος γενήθῃ τῷ σοι. Fiduciam ægri de Medico curante concepam posse plurimum auctor est Galenus in Prognost. Eleganter Abensina: feliciter ab eo curari multos, cui multi fidunt. Accedente ad Nic. Kaasium Illustrem Reg. Maj. Cancellarium Joh. Paludano nostrate, statim ab ægritudine respirans lætus exclamavit: egregiè fidem meam, Pa'ludane, juvisti, quod D. Thomæ Finckio, Avo venerando, refero acceptum. Subinde eloquio præstans Medicus plus efficiet, quam impeditior alius secretiorque medicamentis. Hinc nisi advocetur Medicus, quia vocantis fiducia spesque perit, non esse accedendum optimè monet Castrensis L. 3. Med. Pol. c. 14. Duplicem juvamenti assignat rationem Th. Fienus Conclus. 38. unam à Lætitia, alteram à promptitudine remediorum desumptam. Nolim tamen cum Augerio Ferrerio l. 2. Meth. Med. c. 11. ad ipsam Medici fiduciam dicta extendere, siquidem ea ejus fuit opinio. Acriter de Imaginatione inter alios disceptatur, An

morbos curare valeat? non dubitarim conferre plurimum, movendo & excitando spiritus sopitos & calorem, quandoquidem exemplorum Ilias nobis id persuaserit. Rustici non rarò schedulis devoratis curantur. Haleces avidè assumpti febres restinguunt, vel alia vehementer expetita, quin ipsum vinum. Ex cultu ossium Sanctorum confidentiæ suæ virtute cum ægro sanitatem redire in gratiam, suspicatur *Pomponatius*, ad insulas infortunatas hoc aliisque nominibus relegatus. Quid de Melancholicis dicturi sumus, solius imaginationis beneficio procuratis, expiatis? *Philodotus* Medicus apud *Aetium* tetr.2. f.2. c. 9. quendam, qui sibi caput amputatum putabat, imposito repentè capiti ipsius plumbeo pileo curavit. Idem aliam mulierem à serpente removit, teste *Tralliano* L.1. c. ultim. Algidus alijs accenso in pelle lanigera igne celeriter convaluit ope *Zacuti* l. 1. Hist. Med. Observ. 38. Alius nasus sui amplitudine transeuntes impediri ratus, ficta tonsura ad mentem saniozem rediit. Poetarum delictum *Casp. Barlaeus*, sed melancholico sanguine turgens, aliquando clunes sibi vitreos credidit: quale quoque exemplum recitat *Lemnius* L.2. c. 6. de Compl. Quid quærimus ultra? Phantasia plerique morbi curantur, qui ope medicamentorum importunè ab indoctis exhibitorum creduntur arti cessisse. Tantumque imaginationis crevit inter mortales vis, ut ex ea sola Illustris Matrona *Magdalena d' Auvermont*, Hieronymi Augusti de Montelione Equitis Gallici uxor, *Emanuelem*

nuelem conceperit. Id quod Jurisconsultorū Parliamenti Grationopolitani decretis, Medicorum nonnullorū Monpessulanorum & obstetricum mulierumq; aliarum consensu frustra renitentibus *Adriano & Carolo* de Monteleonē hæredibus alioquin Hieronymi, obtinuit. De cujus historiæ veritate nolim inquirere, quam suspectam habuit *De Lord* Monspeliensium Professor, & amicè me monuit *Petrus Sanchius* Professor ibidem Regius, ne isti relationi fidem mutuarer. Ediētum est *Sca-vola & Ulpiani L. 6. ff. de his qui sui vel al. jur. sunt. si constet maritum aliquamdiu cum uxore non concubuisse, infirmitate interveniente, vel alia causa, hunc, qui in domo natus est, licet vicinis scientibus, filium non esse.* Malè fanè nostris Virginibus cœlum frigidius consuluisset, quod hanc illis gravissimarum passionum curandi viam denegasset. Cæterum castis gratulamur, & ad serium institutum nostrum regredimur. Dispar omninò fiduciæ Centurionis est conditio, quia stupenda medela. Tantum non potest quæcunque fiducia seu Medici seu medicinæ in desperatis diuturnisque passionibus, & jam morituris, ut extinctum calorem revocet, vias impeditissimas vi superioris morbi, natura succumbente, reseret, humores vitiosos obfirmatos retrahat, aut prostratam partium *συγκομιαν* emender. Nec filii Centurionis sive fiducia in Christum, quanquam de ea dubitare non liceat, sive fides illustrior deprædicatur; sed totum negotium ipsius Centurionis pro filio intercedentis concepta ex verbo Christi firmissima spes, quam

quam ratam voluit servator, animiq; fidelis constantia, confecit. Non quod crediderit, sed quod rarissimæ fidei miraculum suum λόγῳ addiderit λόγῳ apud Deum æternus. Premamus Centurionis vestigia, qui corpore languidi animo egrotamus. Pari facilitate & promptitudine summus nobis in æternis Archiater adspirabit. In perituris quoque, si illi visum, *Nostri cui tanta cupido est.*



HISTORIA PARALYTICI TERTII.

Tertius N. T. Paralyticus *Matt. 9. Marc. 2. Luc. 5.* descriptus, ab illo planè est diversus, cujus *Joh. 5.* historia extat, secus ac *Chrysostomo* aliisque visum. Ille enim in domo, hic piscina Christo oblatus, ille in urbe Capernaum, hic Hierosolymis. Illum quatuor homines per tectum demittebant, hic ne hominis quidem unius ope aquis medicatis immergi potuit. Proprium igitur Commentarium, eo quo priores jure sibi & Tertius vendicabit, cujus hæc est historia in paucas periodos contracta.

Membrorum resolutione & imbecillitate fractus Paralyticus, à quatuor leſticariis portatus, certa sanitatis recuperandæ spe, Christo Capernaum reverso in ædibus, ubi auditoribus concionabatur, offerendus, turba concurrentium impedito per januam ingressu excluditur. Moræ verò longio-

longioris impatientes leſticarii, conſilium præceps ex temporis neceſſitate in arena capiunt, conſenſoque domus recto & diffractis regulis ægrum ſubmiſerunt Chriſto curandum. Jeſus humani generis Archiater fidei pleno & bonæ ſpei ſanitatē tam animæ per delictorum commiſſorum expiationem, quam corporis reſoluti ſolo verbo hoſpiti gratioſè procuravit, ut expeditum membriſ roboratis greſſum receperit, indeque digrediens grabbatum ſuum ipſe geſtaverit, omnibus ſtupentibus, nonnullis ſiniſtrè, more ſuo, judicantibus.

Paralyticum reſolutis ſeu ſideratis nervis fuiſſe conſtans eſt Sacrorum Hiſtoricorum ſententia, unde *enervatum* rectè tranſtulit *Camerarius*, probatque ingreſſus difficultas, de qua affectione ad ſuperiores Paralyticos plura diximus, neutiquam in præſenti actum acturi.

Conditionem & fortunæ ſtatum leſticarii produnt. Erat quippe *τὸ πωρὶον* portatus. Divitem crederes, cujus cubile quatuor ſervi leſticarii circumferebant. Neceſſitate tamen, haud luxu compulſus, quarta cervice ferebatur. Alioquin hexaphoros erat ſanorum Virorum & locupletum, nec pauperibus conveniens, ſicut Afro exprobrat *Martialis* l. 6. Epigr. 77

Quid te Cappadocum ſex onus eſſe juvat?
Oſtophoros leſtica regum propria, ſeminarum
& ægrotorum. Hinc *idem* l. 6. Ep. 84.

Oſtophoro ſanus portatur, Avite, Philippus,
Hunc tu ſi ſanum credis, Avite furis.

Ur

Ut verò propius sit hominem nostrū bonæ mentis sorore paupertate pressum quatuor lecticariis acquievisse, quia & ipse grabatum suum seu lectulum minutum angustumque postea portare sustinuit. *Aderus* è longinquo illuc suspicatur advectum, nullo, ut arbitror, indicio, quum morborum ferax Capernaum fuerit, aërisque lociq; vitio. Forsan pro mortuo vel morti vicino reputatus. Mortuorum autem Sandapilæ à quatuor tantum servis Romæ portabantur, quemadmodum icone expressit *Fr. Peruccius* l.2. de Pomp. Fun. p.28. Hinc ægrè ferebat *Martialis* l.6. Ep.77. quod Afer & pauper & juvenis & fortis hexaphoro vivus delectaretur, quo non debebat ferri mortuus. *Clarius* l.8. Epigr.75.

Quatuor inscripti portabant vile cadaver.

Cur inscripti? De servis stigmaticis, literisque servilibus inustis accipiunt Critici, de quibus *Pignorius* l. de Serv. *Popma* de Op. Serv. Parun. diversa est conjectura nostra. Inscribebantur nomina lecticariorum, quorum deinde legibus Constantini & Anastasii funerabilibus definitus erat numerus, quos omnibus modis integro numero & omni præstatione liberos Constantinopoli conservandos decrevit *Novella Justiniani Constitutio* 43. Numerantur in illa *Novella* 1100. lecticarii seu Decani (rectius fortasse Diaconi) ad peragendas defunctorum exsequias deputari, non tam ad exportandum quam procurandum funus. Octingentæ quidem officinæ corpora præstabant, trecentæ autem in exactione pecuniarum consistebant.

ſiſtebant. Vel ſanè quod ex his 800. pro funerum numero in ampla civitate Byzantina deligerentur ſufficientes leſticarii, ſicut peſtilentiæ tempore hodie uſitatum. Crevit tamen leſticariorum numerus, luxu apud omnes crescente, quem idcirco legibus Funeralibus ad neceſſarium nuper publico edicto adſtrinxit *Fridericus III.* Sacraſſimus Rex Noſter. Q. Metellus Junior inter rara felicitatis humanæ exempla numeratur *Plinio* l. 7. c. 44. quod præter honores ampliſſimos, à quatuor filiis ſit rogo illatus.

Ingreſſuris autem obſtat multitudo januam ædium obſtipans conferto agmine. Scilicet ad divinum Archiatrum accellus parer cunctis, ſed ſæpè viam malè ſeriatì homines reddunt impeditam. Τα *αὐτὸς τὸν θύρα* vel veſtìbulum ædium interius notat, vel plateam oſtio vicinam. *Grotio* eſt τὸ *αὐτὸς*, ſeu veſtìbulum ante januam. In verſione Syriaca idem ſervat *Boderianus*, ſed à *Lud. Dieu* hoc nomine reprehenuſ, quem varia Veſtìbuli notio decipit. Plures veſtìbulum inter plateam & ædium januas relictum eligunt. Ita *Danus Interpres*, ſi quidem ex veteri januarum fabrica, ad oſtium, foras aperiendum, plateæ ſpectabat pars. Utrumq; tamen placet, nam utrumque veſtìbulum multitudo impleverat, unde *Deodato* Italo *i contorni della porta*. Januæ autem apud Veteres in publicū rejiciebantur. Hinc ne aperiendæ læderent prætereuntes, pulſabantur prius ab egredientibus, appenſis nonnunquam tintinnabulis.

nabulis. Vulgatum id Græcis, quod ex Comicis liquet, ubi ante crepuisse fores dicuntur, quam quis domo egreditur. Videndi *Photius* in *Bibl. Muretus* l. 1. Var. Lect. c. 17. *Pancirolla* in *Deperd.* tit. 23. aliique. Apud Romanos L. Valerio Publicolæ & fratri primis adjectum fuit, ut domus eorum fores extra aperirentur, & janua in publicum rejiceretur, quod inter triumphales domus clarissimum erat insigne, teste *Plinio* lib. 36. c. 15. Nec postea exolevit, nã de janua in publico aperienda responsum extat *Scævola* l. 41. in 5. ff. de *Serv. præd. urb.* Ut plurimum duplicatæ, quas *δίκλιδα θυγα* vocabant, quibus in reponendis humeri luxationibus utebatur *Hippocrates*. Figurâ qui cupit & fusam de hoc argumento dissertationem, *Cl. Salmasium* Polyhistora Summum ad Solinum consulat operæ facturum precium. Clausæ plerumq; unde ostium *Isidoro ab. obstando*. Hic omnibus Christo perorante patulæ. Aliàs metu irruptionis ocululæ *Genes. 19, 9. Joh. 20, 19. Act. 12, 13*. Illæ, animæ æternitatem significabant, hæ interitum animi corporisque ex veteri Romanorum religione, si credimus *G. Fabricio* c. 21. Rom. descript: Unde in quibusdam sepulchris Romæ antiquis exsculpta visuntur ædificia, partim januis apertis, ut in Palatio Capitolino Trium virum; partim clausis, ut in domo civis Regionis Transiberinæ è regione Pontis Fabricii.

Æternitatis ea spe, sanitatisque animi juxta ac corporis exclusus Paralyticus, communi lætificationum consilio & opera per insolitam viam
grassa-

graffabatur. Enimverò, siquidem humiles erant
 ædes iudicio *Baronii* ad A. Chr. 31. Tib. 15. vel ex
 plano vicini tecto trāsitus concedebatur, ut com-
 mentatur *Lyranus*, tecto domus hospite Christo il-
 lustris ablato, ruptisque regulis per contignatio-
 nem apertam ad pedes Christi cum grabbato
 demissus ferrur, idque funibus, ut *Cajetanus*, *Beza*,
Osiander, *Pelargus* nō male conjiciunt, nisi ædium
 humilitas obstarer, & oblonga fulcra lecti, depi-
 cta in *Roma subterranea*. Plenum audaciæ confi-
 lium, furibus & latronibus familiare, Christo ali-
 bi damnatum *Joh. 10. 1.* & Antonio in Philippicis
 à *Tullio* versum vitio. Imò lex *Cornelia* injuria-
 rum actionem introduxit, quod domus vi in-
 troita sit l. 4. *Instit. Jur. tit. 4. §. 8* quia sua cuique
 domus tutissimum est refugium & receptaculum
 ex *Cajo J Cro*, de quibus *Schneidevvinus*, *Mynfingerus*,
Rittershusius aliique ad *Institura*, De vi quoq; pu-
 blica lege *Julia* tenerur, qui hominibus armatis
 possessorem domo agrove suo, aut navi sua de-
 jecerit, lib. 48. ff. tit. 6. l. 3. §. 6. *Codex jur. Danici*
 at bryde Huus/ vocat Heerwercke lib. 2. de leg. Cimbr.
 c. 30: Ganger mand med raad raad i an den Wands
 Gaard / eller Huus / ot bryder Huus / ic. da er det
 Herwercke / puniunturque in foro nostro multa
 trium Marcarum. Nimia tamen pietate, & ne-
 cessaria salutis ratione peccans, excusari mere-
 tur, quem ipse Christus, quo præsente hæc age-
 bantur, à crimine absolvit. Animus quippe à
 damno alienus, nec occidendi proposito aut fu-
 randi, aut armati quovis modo nocendi irrupere,

sed ut ægrum qua corpus qua animum servarent. Ita qui à latronibus circumventus tectum vicini dirutum intraverit, extra injuriæ erit actionem apud æquum Judicem. Adhæc vel propriæ fuerunt irruentium ædes, vel certè connivente domino fundi detectæ, & tacitè consentiente, nam sic tacitum & expressum in Jure æquiparantur, & consentire dicitur, qui non contradicit.

Præcipiri isto gradu festinandum erat Paralytico ad Archiatrum, sive quod incerta esset Jesu mora, sive quod ex forti & insolita resolutione membrorum, Apoplexiam metueret per *Παραλύσιν*, citamq; mortem & infelicem. Minatur hoc malum Hippocrates in Coacis c.23. §.1. *Torpores & sensus privationes præter consuetudinem orta futuras Apoplexias denunciant.* Παρά τὸ ἐθῶς explicat Duretus, quod sit sæpe numero ictu & lapsu, tum etiam cruribus complicatis, cubitorum innixu, fame, vigiliis, scoliosi vertebrarum cervicis, renibus calculosis, & artubus illaqueatis. Mala præterea Paralysis & exitiosa post febrem acutam, ob malignæ materiæ *μετάπλωσιν* ad nervos eorumque in cerebro principium, nisi id critico Naturæ moru fiat, morboque concocto, quod honestissimæ Matronæ non ita pridem Hafniæ, contigit. Vide *Alpinum* l.3. de Præf. Vit. & Mort. c.12. Unde ex durissimo necessitatis telo virtus emerfit.

Cæterum quomodo tectum scandere, illudque infringere potuerint, non facile intelliget scrupulosus, nisi tectorum apud veteres structuram

ram paucis dextero. Tecta vel plana fuere, vel in fastigium erecta. Illa antiquissima, quibus fastigium sequens imbrium incommodum addidit. De utriusque origine & forma *Vitruvius* l. 2. Archit. c. 1: *Alii luteas glebas arefacientes, struebant parietes, materia eos jugumentantes, vitandoq, imbres & aestus, tegebant arundinibus & fronde: postea quoniam per hybernas tempestates tecta non poterant imbres sustinere, fastigia facientes, luto inducto proclinatis tectis stillicidia deducebant.* Sed succrescente arte & artificum ingenio, non luto tantum tecta fastigiata muniverunt, sed scandulis aut stramentis, eodem teste, h. e. robore assulatim secto instarq,ue tabellarum tectis instrato, quibus annis 470. Roma fuit constructa autore C. Nepote apud *Plinium* l. 16. c. 10. successere deinde regulæ, materiaque, quibus mox sectilium lapidum bracteæ, laminæque aliis super alias sedentibus & inter se imbricatis, de quibus *Pavonacea* tegendi genera apud *Plinium* l. 36. c. 22. explicat *Philander*. Ferri potest religio in Deos, quod Pantheon æreis regulis opertum fuerit, referente *Paulo Diacono*, quodque rotundam D. Mariæ ædem Ravennates solido lapide ornaverint. In privatarum ædium splendorem abusus transtulit & plumbum, unde plumbum, quod regulis poneretur, ædificii esse ajebat *Labeo*, teste *Javoleno* J Cro ff. de Verb. sign. l. 242. §. 2. sive quia tecta ex plumbo fuerint solido, sive quod tectis plumbum ad stillicidia adderetur. Dispar omnino incorrupti seculi facies. Romuli

caſa in arce ſacrorum ſtramentis tecta, *Vitruvio* autore. Expreſſit id *Ovidius* l. 3. Faſt.

Quæ fuerit noſtri, ſi quæris, regia nati,

Aspice de canna ſtraminibusq; domum. Mauros mapalia ſua ſcirpis texiſſe refert *Plinius* l. 16. c. 37. idemq; l. 6. c. 24. Chelenophagos teſtudinum ſuperficie caſas ornaſſe. De Colchorum tectis *Vitruvius* l. 2. c. 1. fronde & luto metas tegentes efficiunt barbarico more teſtudinata turrium tecta. Idem de Phrygibus campeſtria inhabitantibus: ſtipites inter ſe religantes, metas efficiunt, quas arundinibus & ſtramentis tegentes, exaggerant ſupra habitationes maximos grumos è terra. Alii ex ulva paluſtri ſeu alga paluſtri compoſuere tuguria, noſtri ruſtici ex paleis, alii ex arundinibus. Rudere nõ regulis loca munita Hiſpaniæ & Africae tegebantur, notante *Hirtio* Bell. Hiſp. c. 8. Apud Germanos vèteres ne cæmentorū quidem aut regularum uſus, *Tacit. de Morib. Germ.*

Tecta tamen plana, frugalitatis olim & innocentiae documèta poſterioribuſ temporibuſ magnifico opere exſtructa opulentiorum, eſſe cœpere, in quibuſ commorabantur, ambulabant, hortos colebant, quæque ad ſui tutelam in motib; civilibuſ utebantur, ut liquet *Judic. 9. 51.* qualia pleraque Neapoli aliisque Latii urbibuſ adhuc viſuntur. Tranſiit ea architecturae ratio in Palæſtinam, ſacramque in ea urbem. David enim in tecto palatii obambulans amore illicito viſae Bathſebæ acendebatur *2. Sam. 11. 2.* In tectis & plateis omnes ejulare dicuntur *Eſa. 15. 3.* Oſoribus

ribus Sionis auguratur David *Psal.* 129, 6. futuros sicut gramen in tectis, quod torretur antequam prodeat. Quem locum de tectis planis cruditer exponunt *Glossæ* marginales Danicæ, quanquam & de fastigiatis accipi posset. Illustris extat textus *Deuteron.* 22, 8. Cum edificaveris domum novam facies קָרְעָה tecti per circuitum, ne effundatur sanguis in domo tua. Murum verrit *Hieronymus.* LXX. σπερματω. Philo θωραξιον. Peribolum *Osiander.* Danus et *Recke*. Parietem *Pagninus* & ædificium, cujus altitudinem ex R. *Davide* ad quatuor digitos extendit, *Grotius* ad pedes tres cum dimidio. *Castalio* loriculam amat. σπερματη dicta à Coronæ similitudine. Coronæ in ædibus appellabantur prominentiæ quædam parietum ad arcenda stillicidia apud *Vitruvium* l. 2. c. 8. *Palladium* l. 1. R. R. tit. 11. Loricula seu Lorica dicta à materia. Est illa cruenta ex calce & arena *Vitruvio* l. 7. c. 1. unde granariorum parietes & solum opere tectorio marmoreo loricandos vult *Varro* l. 1. R. R. c. 57. Apud *Plinium* l. 8. c. 24. Ichneumon se loricare dicitur limo mersus soleq; siccat. Loricam quoque de coronis murorum in urbibus & munimento urbem cingente adhibet *Vegetius* l. 4. c. 28. In tecto Samuel Sauli loquebatur, 1. *Sam.* 9, 25. In tectis suffitus excitabant *Jerem.* 19, 13. Discipuli Christi jubentur *Matth.* 10, 27. *Luc.* 12, 3. prædicare ἐν τῶν δωματων, hoc est, publicè audientibus cunctis, ut verò sit simile ex tectorum planicie, tanquam ex rostris transeuntes alloqui consue-

tum fuisse. *Luc. 17, 31.* In illa die, qui fuerit. *Ἡ δὲ*
δωμάς & vasa ejus in domo, ne descendat
 tollere illa. Certè & apud Romanos tecta pete-
 bant in tumultibus, quod *Tacito l. 1. hist. credimus.*
Act. 10. 9. Ascendit Petrus *Ἡ δὲ τὸ δῶμα*, ut oraret cir-
 ca horam sextam.

Aliàs tectum pro Tentorio militari usurpa-
 bant, quo tegebatur. *Vegetius l. 3. c. 2.* *Pedites sine*
intermissione imbris vel nivibus sub tecto, reliquis diebus
exerceri in campo voluerunt. Vide plura lib. 2. c. 23.
Suidas: στεγνόν, πυκνόν, σφιγκλόν, καὶ διόδωρ
οἱ ὃ ῥωμαῖοι στεγνὰ ποιήσαντες, παρεχόμενον.
h. e. Tectum, Densum, constrictum, Diodorus, Romani verò
cum tecta facissent, hybernarunt. Quo forsan Centu-
 rio ille pius *Matth. 8, 8.* respexit.

Tectum igitur hujus domus à Paralytici lecti-
 cariis ruptum, planum fuisse certum est, in fasti-
 giato enim difficilior adscensus. Et siquidem vi-
 cini tectum pari planitie explicabatur, hoc con-
 scenso, facilis ad aliud erat transitus. Dubium mo-
 vent apud *Lucam οἱ κέραιοι.* Quid enim ad equa-
 le pavementum regulæ? Nisi & hæ illud per in-
 tervalla distinxerint. *Syrus* operimentum loci
 reddidit, ut *Trostius* monet. *Beza ex Plinio,* perfos-
 sum dicit testaceum pavementum, quod displicet
Heinsio in *Exerc. Sacr.* Testaceum enim pavimen-
 tum in Oriente neutiquam usitatum; esse potius
subdiale pavementum, de quo *Plinius,* quia in his
 tectis sub dio agebant: *Σπύλω* autè & *κεράμεις*
 pari paussu hic ambulare, tectumque notare ex

Thucydide,

Thucidide, Syro, aliisque, sicut apud Plautum in Mil. Sectari simiam in Tegulis.

Quod fidei ardore à Paralytico commissum, nobis neuriquam in exemplum trahendum. Qua occasione commodè quæstionem hodiernis moribus opportunam expendamus, *An illegitima media querenda & usurpanda spe recuperanda sanitatis?* Illegitima remedia ex duplici æstimamus fonte, vel quod Diabolica sint, vel sine rationali Methodo administrata. In utroque peccat credula mortalium infania, sed constanter utrumque iustis de causis damnamus. Diabolica remedia duum sunt generum, vel expresso Diaboli instinctu docta, vel implicito. Prioris ordinis auxilia Christiani veri verè detestantur, territi exemplo Ahasiæ Regis 2. Reg. 1. Posteriores curandi rationem plurimi sine pietatis scilicet offensa eligunt, vel characteribus, vel ignoris verbis, vel numeris mensurisve, vel aliis ceremoniis à ratione alienis superstitiosè morbos expugnaturi. Sed fugite hinc mortales, si sapitis, si me auditis, later anguis in herba. Larvam detraxerunt *Sennertus* l. 13. de Consens. *Oalus Wormius*, decus orbis & urbis c. 10. Not. ad Fast. Dan. & varia eruditate hic annotarunt nuper *Hier. Jordanus* De illo quod in Morbis est divinum, *O. Borichius* noster de Cab. char. qui legi merentur, ne alios numero quam plurimos ad vocem. Sequamur *D. Chrysostomum*, potius mortem homini Christiano subeundam, quam vitam ligaturis redimendam.

Remedia Empiricorum sine verâ Methodo

exhibita , pari infamia sunt notanda. Veneni-
 suspensione non carent , & innoxie animas vitas-
 que licitantur, qui Recipiunt nescio quid, ut sa-
 nentur ægri, nescio quando. Judicant cordati re-
 ctius, præstare cum methodo mori, quam sine il-
 la vivere. Mala dicenda ista medicamenta, quæ
 qui in publicum vendiderit poena legis Corne-
 liæ. L. 48. ff. de Publ. Jud. tit. 8. l. 3. §. 1. h. e. in insu-
 lam deportetur & omnibus bonis privetur, *ibid.*
 §. 5. Unde sapientissimis Venetorum decretis
 Circumforanei urbe Patavina cum infamia eji-
 ciuntur, & in urbe Parisiensi, nisi Saluberrimæ Fa-
 cultatis Doctoribus, concessum nemini publicè
 medicinam facere. Quanquam & Magni olim
 Regis nostri, gloriosæ nunc memoriæ *Christiani*
IV. legibus vetitum sit, *ne quis ægris medeatur pocu-
 lumve medicatum exhibeat, præter promotos approbatosq;
 Medicos, sive seplasiarii sint, sive barbitonfores, sive Chymi-
 ci, ocularii, herniarum sectores, sive circumforanei variive
 Empirici* : neglecto tamen prudentissimo Edicto
 non illi tantum ægrorum curam suscipiunt, sed
 Rustici, Pædotribæ, Sacerdotes, aniculæ & car-
 nifex spe precioq; sollicitantur, hoc uno à latro-
 nibus differentes, quod cives intra mænia & non
 in montibus deprædentur, ut alibi *Galenus* loqui-
 tur. Dices : Sanitatis causa tentanda omnia. De
 legitimis nunquam repugnabo, reliquos averfor
 qui flectere si nequeant superos Acheronta mo-
 vent. At juvant persæpe. Opto successibus ca-
 reat , quisquis ab eventu facta probat. Divino
S. Pauli monitu , non facienda mala ut eveniant
 bona.

bona. Nec quasi aleam jaciendo Medici curare debent, quod verè dixit *Galenus* in 1. *Epid.* com. 2. Horum igitur cunctorum beneficia cunctis sunt nocentiora vulneribus, præstatque odium illorum quam pacem meruisse, ut *Leonis* homil. 19. utar verbis. Juvant per Accidens, plusq; fortunæ habent quam consilii, cui subinde fixa ægrotorum imaginatio jungitur, qua multi morbi superantur, qui Empiricorum arte curati creduntur. Sæpè palliativa cura credulis imponunt brevi damno majori eruptura, vel sanè ad meliorem vitam promovent, quam in plures annos differre debebant. Quod si *Patronus* Empiricorum, nò malo animo, sed spe juvandi ista excuset, respondeat *Martianus ff. de Publ. Jud. t. 8. l. 3. §. 2. ex senatusconsulto relegatam esse eam, quæ non quidem malo animo, sed malo exemplo medicamentum ad conceptionem dedit, ex quo ea quæ acceperat, decesserit.* Exterminandos quoq; persuadet *Lemnius l. 1. de Occ. Nat. c. 17.* modum verò invenisse se credit *Georg. Hebenstreit Quæst. Misc. l. p. 14;* nempe primum carnifices ex urbibus ad corvos, deinde vetulas ad sua pensæ, mox agyrta ad esuriem, barbitonfores ad tonstrinas suas, ac denique Vulcaniam Ciniſſonum proſapiam ad Carbones suos amandandam. Omnibus dictum sit *Horatii* illud l. 2. *Epist. 1.*

— — abrotonum (vel elleborum) ægro

Non audet, nisi qui didicit, dare: quod Medicorum est,

Promittunt Medici, tractant fabrilia fabri.

Insuerâ viâ adventantibus, Christus viſa & por-

rantium & Paralytici fide, plus pro sua bonitate
 ultrò donat, quam venerant petunt, primumq;
 delictorum immunitatem largitur tam hætenus
 admissorum naturæ vitio & voluntatis, quam il-
 liciti humanis legibus facinoris, rupti tecti, ædiū
 violatarum. Paralyseos *Curationem* à peccatorum
 auspicatur condonatione, quia stipendium pec-
 cati mors morbusque, hicq; ex illo trahitur, nec
 in dignitatem suam ulla parte peccavit Serva-
 tor, quod animæ curam juxta ac corporis mor-
 talium perditorū habuerit. Sequuti illius exem-
 plum, quanquam non passibus æquis, quamplu-
 res, qui utrumque amica copula conjunxerunt.
 Ipse Lucas Sacræ historiæ conditor Medicus fer-
 tur *Coloss.* 4, 14. quem Patronum ea propter Me-
 dici sibi adoptarunt. In antiqua Ecclesia Sacer-
 dotes non pauci Medicorum catalogo adscripti.
 Teste *Baronio* Tom. 3. Ann. Josephus Tyberiadēs
 Episcopus Judæorum Patriarcham Helleel cu-
 rationis specie baptizavit. Paulus Secundus Pon-
 tifex ægrotantes ipse comiter invisebat, adhitis-
 que medicamentis curabat apud *Platinam* in Vir.
 Pontif. Joannes XXII. antequam Pontifex de-
 signaretur, Petrus Hippocrates vocatus, edidit
 Medicinam Thesauri pauperum. Ex Monachis
 facto voto adstrictis plusculi Medicinæ studium
 & in usum convotorum excoluerunt diligenter
 & eruditis scriptis divulgaverunt. Inter quos emi-
 nent *Commentatores Mesuæ*, *Constantinus Africanus*,
Raymundus Lullius, *Jo. ab Indagine*, *Albertus Magnus*,
Basilius

Basiliius Valentinus, Thomas Campanella, Pius della Marra, aliiq; qui in memorias exierunt.

Quærent hic Eruditi, an Medici ad Clericatum & Sacerdotium possint promoveri, & an tum Medicinam liceat exercere? Prius invenit ferè assensum, siquidem Medicus capax est nominationis ad beneficia. Doctissimum Medicum, Mantuæ Professore *Petr. Anton. Cavellum* novi, qui S. Francisci ordini votoque se obstrinxit, mutato priori vivendi genere, *Daniel Bucetius* Anatomicus insignis & Spigeliani operis editor, Monasterii Dominicanorum Parisiis se claustris inclusit. *C. Bartholinus* Parens, cœlitibus pridem adscriptus, Medicinæ Professionem cum Theologia voto in morbis suscepto commutavit, Deoq; soli vacavit dum vixit, quod *Riolano* summo Anatomico rigidis ad *Baubinum* Animadversionibus displicere videtur.

Altera quæstio difficilior sententiarum varietate. Affirmat *Bardus* c. 8. Med. Cathol. ex per. cap. sent. ne Cler. nec Mon. & cap. ut apud & cap. tuanos, de quibus *Tiraquellus* de Nob. Med. c. 3. n. 406. Et siquidem de Episcopis constans est fama, Medicinam fecisse, quidni & hæc simplicibus Sacerdotibus Monachisq; concedatur. In negantem tamen sententiam proni hæc urgemus. 1. Professionem priorem cum Sacra, devotos ea mente commutare, ut sacris majori cura & unica incumbant, Deoque soli serviant. 2. Professionum distinctionem omninò in Republica benè constituta esse servandam. Hinc *Aristoteles* 4.

Polit

Polit. c. 15. Sacerdotum officium à Civili Magistratu distinctum voluit, & rectè *Ambrosius* negat Viro Ecclesiastico duplicem professionem. 2. Irregularitates oriuntur non leves, ut etiam contrariæ opinionis assertores fateantur non inviti; Monachis & Clericis posterioribus interdictum fuisse, quas tamen irregularitates debitis cautionibus & animadversionibus declinari ex *Bonacina* credit *Bardus*, imo dispensationem à Pontifice petendam. Sed opponimus. 4. Medicinæ exercitationem inter seculares curas numerari, à quibus Deo soli consecrati abstinent. *Timotheum*, aliosve in Ecclesia, ut ille, militantes negat *S. Paulus* oportere implicari τὸ βίω πνευματικῆς 2. *Timoth. 2, 4.* In Canonibus S. Apostolorum per *Clementem* congestis n. 6; *Episcopus aut Presbyter, aut Diaconus seculares curas non suscipito: alioquin deponitor.* Constitutionis ratio redditur *Canone 80.* quod nemo possit duobus dominis servire juxta præceptum dominicum. Ita & decretum fuit in *Concilio Calcedonensi Oecumenico Canone 3: Desinit sancta & magna Synodus, neminem deinceps, nec Episcopum, nec clericum, nec Monachum, vel possessiones conducere, vel secularibus negotiorum administrationibus seipsum miscere.* Unde nec tutores esse possunt ex *Nov. Constit. Justinian. 123. & Leonis Nov. Const. 68.* nisi ad inexcusabilem impuberum tutelam vocentur, quod de Presbyteris tantum, Diaconis & hypodiaconis concedit in *Novella Justinianus.* Tres alios casus proponit *Canon Concilii laudati*, si nempe Civitatis Episcopus rerum Ecclesiasticarum solici-

solicitudinem habere permittat, vel Orphanorum, & viduarum quæ indefensæ sunt, & personarum, quæ Ecclesiastico maxime indigent auxilio, propter timorem Dei. Medicinæ exercendæ nullum indultum signatur, & quanquam tanta illius foret necessitas, à Civitatis Episcopo foret venia impetranda, non alio sive in Belgio, sive Italia commorante. Nec dissentit decretum Isidori Part. 1. Jur. Canon. Dist. 23. c. 3. ubi de Clericorum conversatione agit: Secularia, inquit, officia negotiaq; abjiciant, honoris gradus per ambitiones non subeant, pro beneficiis medicinæ Dei (h. e. pro Sacramentis Ecclesiasticis, annotante Glossa) munera non accipiant: sed doctrinæ lectionibus, psalmis, hymnis, canticis, exercitio jugiter incumbant. Alexander Tertius in Concilio Turonensi. lib. 3. Decret. Greg. IX. tit. 50. c. 3. statuit, ut nulli omnino post votum religionis, & post factam in aliquo loco religioso professionē ad Physicam legesve mundanas legendas permittatur exire. Si verò exierint, & ad claustrum suum intra duorum mensium spacium non redierint, sicut excommunicati ab omnibus evitentur. Cap. 9. prohibetur quoque ex Innocentio III. Subdiaconis, Diaconis & Sacerdotibus ea Chirurgiæ pars quæ adustionem & incisionem inducit. Glossa servilem tantum intelligit adustionem, sed latius nos ad quamvis actionem manualement extendimus. Deniq; Exorcista in Rituali Rom. jussu Pauli V. edito jubetur sibi cavere, ne ullam medicinam infirmo vel obfesso præbeat, aut suadeat, sed hanc curam Medicis relinquat. Ipsi & hi & illi & isti videant, quo obsequio,

quaque

quaque devotione tantorum Patrum decreta excipiant.

Notamus tamen, ne pro iniquioribus rerum arbitris traducamur, aliud esse ægrorum salutem medicamentis procurare, aliud de rebus Physiologicis Commentarios scribere, quod pro ingenii modulo quivis tentet, per me licet. Quo spectat Sacerdotum Ebræorum in dignoscendis leprosis scientia, *Exod. 13. Luc. 17.* Deinde Medicam exercitationem concedi posse Monachis in suis Collegiis, sicut *Bucretio* hoc fuit injunctum, imprimis si in solitudine sint monasteria. Casus denique necessitatis erit attendendus in Medicorum aliorum inopia, tumq; non lucri spes, non decipiendi animus est induendus. Ita Medici *Hippocratis* præcepto in *Jurej:* à sectionibus abstinent, & operationibus Chirurgicis, nisi urgente necessitate, sicut multi Imperatores sæpè & arcu uti, & jaculari & pugnare gladio hastaq; sciunt & faciunt, & Reges pariter, sed non ut Rex, ut Imperator erat *Alexander Macedo*, aut ejus Pater *Philippus*, sed per alias artes, imperatoriæ atque regiæ subservientes, hæc militaria munera obibant, ut ait *Galenus* l. 6. *Epid. Com. 5. §. 1.*

Diversa ratio Medicos ad sacrum studium obstringit, animatque. Omnes enim verbum Dei scrutari oportet *Deuter. 6, 6. 7. 8. 9. 31. 11. 12. Johan. 5. 39. Coloss. 3, 1. 6.* quia salvari omnes vult Deus *Matth. 11, 28. 1. Tim. 2, 4. 2. Petr. 3, 9.* cunctisque fidei rationem reddere incumbit. Ægrorum etiam causa Medicus in Theologiæ abdita penetrat, ut si res ita postulet,

postulet, tam animabus quam corporibus medeatur, absenteque Theologo, non tantum affectus animi ægris leniat, sed & fide infirmos certo folamine erigat, in primis melancholicos, Maniacos, aliosq; hujus commatis. Hinc neutiquam præter institutum Tyrones nostri medicine, examini Theologorum se subjiciunt, illisq; suum in sacris profectum publicè probant.

Ut fortunatus igitur sit susceptæ curationis eventus, Medicus exemplo Archiatri Jesu, æternæ ægrorum salutis curam gerat accuratam.

1. Precibus ardentibus pro felici successu Deus invocandus. Medicæ preces pro commodo ægrotantium à *Jacobo Horstio* collectæ, *Helmstadii* impressæ leguntur. *Litanias Bardus* addidit. Cæterum junctis suspiriis Deo supplicent, *Medicus, æger ipse, de cujus corio luditur, Sacerdotes & Ecclesia*. Quantum ponderis habeant Medici vota, indicat sapiens *Syrach. 38. 13*. Ipse æger oret, desistatq; à peccato *Syr. 38, 9*. Presbyteri Ecclesiæ advocentur si quis ægroret, ut orent super eum *Jacob. 5, 14*. Quod publicè quoque ex suggestu in Ecclesiis nostris fieri solet. Hinc discipuli Christi pro muliere Cananæa intercedebant, *Matth. 15, 23*.

2. Peccatorum expiationem, ut optata eveniant, consilio Medicorum, præmittant ægri. Sublata enim causa, collitur effectus, At morbus, delictorum est. ita Jehova minatur *Levit. 26, 16*. Vos visitabo terroribus, marcoribus & febribus, ut vultus vester consumatur, & corpus

pus contabescat. *Deut.* 28, 21. 22. Dominus pestilentia te perdet, Percutiet phthisi, & febre, & calore & fervoribus, & siccitatibus, & Hectica, & Ictero, teq; persequentur donec extirperis. Confer loca, si placet, 2. *Sam.* 24, 13. 2. *Reg.* 5, 27. 2. *Paral.* 21, 18. 19, aliaque. Ipse Jesus Paralytico apud piscinam curato *Joh.* 5, 14. autor est, ne amplius peccet, ne deterius ipsi quid contingat. Nam qui peccat illi, qui creavit illum, incidet in manus Medici *Syrach.* 38, 14. Contra promittit Jehovah *Exod.* 15, 26. *Deuter.* 7, 15. Si Domini Dei nostri vocem audiverimus cum debito obsequio, rectumq; fecerimus, & ad praecepta ejus vitam composuerimus nostram, nullum morborum genus nobis nociturum, quibus Aegyptios divexavit, quia Dominus Deus noster sit, qui nos sanat. Hinc totus est Pontifex occupatus cap. 13. tit. 38. l. 5. De Pœn. & Remiss. *Decretal. Greg.* IX. ut Medicis pro auctoritate injungat, ne ægros ante suscipiant curandos quam de vera pœnitentia & confessione admoneantur seriò, secus facientibus Ecclesia interdicat.

3. In expiati facinoris certitudine initio morbi sacra Synaxi dignè utatur æger, in qua ipse divinus Archiater ad partes curandi advocatur, quem qui negligit, quomodo vel Naturam habebit propitiam, vel Medicos Dei Naturæq; ministros fortunatos. Hinc Asa Deo posthabito solis Medicis fidens, mortuus est 2. *Chron.* 16, 12. In quam rem S. Pauli oraculum citamus 1. *Cor.* 11, 30. *Propterea inter vos multi infirmi & imbecilles, & dormiunt*

erant multi. Christianis moribus in Italia receptum est, ne medicus ante ægrorū saluti prospiciat, quam sacræ cœnæ communio præcesserit. Romæ post tertium morbi diem id injungi firmat *Corn. à Lapide.* Unde in Concilio Wormaciensi Presbyter Eucharistiam *semper* habere paratam jubetur, ut quando quis infirmatus fuerit, *statim* eum communicet, ne sine communione moriatur, *Part. 3. Decret. Jur. Can. Dist. 2. c. 39.* Rationem majoris auxilii reddit *Aug. Etzlerus* *Intr. Jatromath. Lit. C. 3.* quia verbo æterno (nempe Jesu in nobis inspirato) omne id fugatur, quod per eccentricitatem & exorbitationem à vero centro, corpori adhospitatur, penetrat totum corpus, quod non fixum & p.n. est, abolet, totius hominis harmoniam rectificat, vitalem spiritum conservat, peccatorum stipendium, mortem & ipsius *αἰσχροτόμους* morbos Chronicos tum acutos, pellit, hominemq; in prospera valetudine ad vitæ finem usq; conservat. Quidquid sit, nobis sanis ægrisq; Jesus sufficit, qui est resurrectio & vita, in quem qui crediderit, quanquam moriatur, in æternum vivet *Joh. 11. 25.*

Divinam curandi methodum præsentis Scribæ & Pharisei concoquere nō potuerunt. Erant enim sapientiæ & intelligentiæ cœcitate sic multati, ut qui vita indigni essent, haberent vitam ante oculos, ne viderent, ut eleganter *Cyprianus* de Idol. Van. Unde nescii in Christo *θεανθρωπῶ* habitare *παρ τὸ πλήρωμα τῆς θεότητος σωμα-*

πικῶς Coloss. 2, 9. ex carnis & corporis humilitate cum æstimantes *λογίζονται* vel ἐνθυμησάμενοι dicuntur ἐν ταῖς καρδίαις Matth. 9, 4. Marc. 2, 6. 8. Luc. 5, 21. 22. Enimverò passim in Sacris Oraculis Cordi, non cerebro, cogitationes tam bonæ quam malæ, & reliquæ rationalis animæ facultates seu *δυνάμεις* adscribuntur. Nolo singulorum locorum calculū ponere nimis operosum. Ex multis evolvantur Gen. 6, 5. 8, 21. Deut. 29, 4. 2. Sam. 15, 6. 1. Reg. 3, 9. 12, 8, 58. 1. Par. 29, 17. Psal. 24, 4. 50, 12. 19. 101, 2. 105, 25. Proverb. 23, 33. Esa. 6, 10. Jer. 17, 9. Thren. 1, 1. 2, 18. 19. Matth. 12, 34. 35. 15, 19. Marc. 3, 5. 7. 6. 21. 22. Luc. 12, 34. Rom. 2, 15. 10, 10. Eph. 1, 18. 6, 5. 6. Coloss. 3, 15. 2. Thessal. 3, 5. & infiniti alii.

Dissentiunt Medici & Anatomici ad unum omnes, nec cordi primariò, sed cerebro cogitationes assignant. In cerebro enim seu capite omnia rationis sensuumq; instrumenta elucet, per quæ objecta sensuum & cogitationis cerebro, neuriquam cordi remoto, dijudicanda afferuntur. Id quod ex utriusque visceris affectionibus clarius parebit. In Apoplexia læso cerebro, obstructisque vel ventriculo nobili, quod ut plurimum contingit, invenitq; *Fernelius* l. 2. abd. Caus. vel ventriculis lateralibus, quod observavit *Chiffletius* l. 1. Dædalm. c. 4. vel ipsa substantia, quod viderunt *Pavius* p. 1. de Ossib. c. 6. & comm. in *Hipp.* de Vuln. Cap. p. 108. *Panarolus* Pentec. 1. Obs. 17. vel denique sinibus, quod *Nymmano* c. 15. de Apopl. apparuit; illæso corde alternisq; moribus agitato, abolentur sensus omnes externi interni-

ternique, cogitatio omnis & omnis rationis usus cessat. In sternutatione, Epilepticis convulsionibus, imaginatio, cogitatioque eo momento perit, non cordis sed crebri vitio, ut in dissectionibus anotarunt *Smetius* l. 10. Misc. p. 578. *Ballonius* l. 1. Ephem. p. 69. *Choiter* in Obs. *Fernelius* l. 2. abd. Caus. cap. 15. *Erastus* part. 4. disp. contr. Parac. *Salmuth* Cent. 1. Obs. 17. *Coslerus* in Obs. Fontani p. 13. *Rivierius* Cent. 1. Obs. 37. *Glandorpius* Spec. Chirurg. Obs. 6. *Hildanus* Obs. 6. Cent. 1. *Bontius* Med. Ind. Obs. 1. ante quos *Hippocrates* l. de Morb. Sacr. Par sit iudicium de depravatis cerebri actionibus in Comate vigili, Vertigine, delirio, Melancholia, Mania, stultitia & fatuitate, in quibus cerebrum laborare certa Anatomicorum dissectio docuit. Hinc in affectionibus hujusmodi cerebro, non cordi remedia interna exhibentur, externa applicantur. Imò bruta ratione carentia, eandem nobiscum cordis habent fabricam, capitis cerebrique diversam. Monstra humano corpore sed capite moribusque ferinis, qualia *Weinrichius* de Monstr. c. 41. *Licetus* l. 2. de Monstr. c. 58. aliiq; descripserunt, ex censu hominum excludenda, ideoque majori jure nata occiduntur, quam alia apud veteres, quæ exposita, in Insulas deportata, expiataque flammis, ferro, undâ, variorum fide accepimus. Magnum huc momentum confert cor læsum salva intellectus ratione. Exulceratur sæpè sana imaginatione, & contabescit in Hectica, febribusque malignis. Observavimus in Dysenteria Epidemica nuper grassante, flaccido

corde, pulsibus intermittētibus, prostratis omnino viribus, ad extremum effugientis animæ habitum cerebri functiones omnes viguisse. Ruit ex hac suppositione mole sua *Helmontii* Paradoxum tr. de Sed Anim. qui cogitationum sedem ortumque vitia virtutesque stomacho condonat auctoritate Christi: *Quæ cogitationes adscenderunt ad cor vestrum, non descenderunt ad cor, vel surgunt à corde vestro.* Misere deceptus textui affinxit, quod nusquam nec scriptum nec pictum, stomachum, impuram animæ illius sedem in *Anatome* nostra nostra *Reformata* sine stomacho impugnavimus. Quod verò cordis inhabilitatem à perpetuo motu metiatur, quasi cogitatio omnis in quiete reponatur, aliis relinquo. Capitis, ubi principes animæ functiones tanquam in editissima arce munitis sedibus includuntur, ne erremus, non semel inter principes corporis partes mentionem facit Codex Sacer. In Prot-evangelio *Gen. 3, 15.* semen mulieris *conteret caput* serpentis, h.e. potestatem omnem, omnem astutiam ex capite progeneratam, qua commate primo commendabatur, eludet. *2. Sam. 3, 8.* Isboetho responsurus Abner, negat se *caninum esse caput*, h.e. stolidum sine cerebro aut prudentia. *2. Reg. 12, 17.* Hasael *faciem preparabat* ut bellum Hierosolymitanis inferret. H. e. Serio apud animum conclusit. *Gloss. Dan. tog sig alvorsigen for.* Animi passiones capiti imputantur, spes & lætitia *Luc. 21, 28.* Mœror & tristitia *Thren. 3, 5.* *Circumdedit caput felle & labore. Cantic. 5, 2.* Sponsus Christus sponsam alloqnaturus: *Caput meum plenum*

num est rore, h. e. anxietate & dolorum multitudine. Hinc summæ devotionis signo in maximo luctu caput pulvere adspergebant 2. Sam. 1, 2. Job. 2, 12. Judith. 4, 12. radebant Job. 1, 20. Esa. 15, 2. Mich. 1, 16. detegebant Levit. 10, 6. Nimium autem quam Scripturæ familiare, dignitatem omnem & summam potestatem capitis nomenclaturâ signare, quod ratione & prudentiâ vel acquiratur vel conservetur. Eph. 1, 22. Christum dedit κεφαλή, non cor super omnia, Ecclesiæ, quæ illius corpus dicitur Coloss. 1, 24. 1. Corinth. 11, 3. omnis Viri κεφαλή Christus est: caput mulieris Vir: caput Christi, Deus. Nolo veterum testimonia congerere vocis שׂרָר, quæ Ducem, Principem, Principium cujusque rei & verticem denotat, imò totum hominem. Ipsam si in consilium adhibeamus creationem, cujus, judice L. Danao Phys. Christ. c. 3. certior ex S. S. quam particularis Physicæ cognitio; negotium pro Medicis confectum erit, non cordi primum infusam rationalem animam functionum harum autorem, sed capiti, Genes. 2, 7. Et inspiraverat in naves ejus spiraculum vitarum, & factus est homo in animam viventem. Ab hoc haliru, in nasum inspirato, vita hominis describitur Job. 27, 3. Esa. 2, 22. Thren. 4, 20. שׂרָר in faciem vel naves, utrumque enim notat שׂרָר, irasque & furores in facie emicantes. Vide Pagninum & Mercerum. Aslachus noster Phys. Christ. p. 327. narium præcipuam fieri mentionem suspicatur, quod anima, dum in corpore versatur, potissimum externè in naribus

deprehendatur. Forſan per parula narium fra-
mina ad cerebrum primò induc̃ta fuit anima, vel
certè anima rationalis ad cerebrum, vitalis ad
cor delata, ſi, me repugnante, animarum diſtin-
ctionem urgeas. Odoribus aëriq; per nares ejus-
que Os cribriforme & proceſſus mamillares ad
cerebrum tam patet aditus, quam ad pulmones
& cor per aſperam arteriam. Illis indiget & ani-
malis in cerebro ſpiritus; unde quibus exhaustus,
validè citò & denſè inſpirant *Gal. 1.* de diff. Reſp.
Eraſiſtrato ſi credimus, aëre nutritur, quod expe-
rientiâ comprobat *Galenus* de Util. Reſp. huc non
advocandâ. Sciendi cupidos ad elegantem *J.*
Olhaſij De Mot. Cereb. remitto diſputationem.
Faciem ſi eligamus, vis animi omnis hic tan-
quam in ſpeculo elucet, capitiq; & intus recondi-
to cerebro obtenditur, per oculos, nares, aures-
que propria animæ interioris officia exſequitur,
ut qualis illius ſit conditio, inſpecta facie, viſis
oculis, facilè divines.

Quanquam igitur alibi cogitationes aſſignent
cordi Divinæ paginæ, loqui tamen ex vulgi opi-
nionē, vix dubitamus, quod cordi tantum tribuit,
quia conſpectior illius & nunquam intermiſſus
ſit motus. Cor enim cogitationum cauſa eſt re-
mota, qua arterioſum ſanguinem per Carotides
Cervicalesque arterias cerebro ſpiritibusq; ani-
malibus diſtribuit: affectionum animi ſedes, quia
pro illarum diveſitate variè alteratur à ſanguine
ſeu ebulliente, ſeu torpente. Objectorum quip-
pe omnium ſpecies per oculos, aures, &c. cere-
bro

bro afferuntur , à Sensu communi & Phantasia apprehenduntur & discernuntur, proq; singulorum qualitate tum judicantur. Interea per sanguinem ex sinibus cerebri ad cor per Jugulares venas recurrentem & in cerebro specierum pleno alteratum, vel per nervum sextæ conjugationis cor afficitur & in consensum passionum trahitur, unde palpitatio motusque vel celer in excandescencia, vel tardus in timore. Taceo varias esse *לֵב* & *τῆς καρδίας* in sacris notiones, nam modò pro cujusque rei interiori loco, modo pro homine eoq; per regenerationem depurato, modò pro affectu sincero usurpatur; imò in plerisque locis adversa nobis fronte oppositis, observavi cogitationem quidem cordi consignatam, sed cum affectu conjunctam, sive amore, mœrore, ira vel odio, quemadmodum ex odiosa Pharisæorum cogitatione, hujus Dissertationis occasione est manifestum.

Nihil motus sinistra æstimatorum censura *καρδιογνώστης* Jesus, præmissa Methodi suæ Apologia, ad curandum Paralyticum animo jam sanum, unico verbo digreditur: *σοὶ λέγω, ἔγειραι*. Non affirmativa ista dictio, qualis *Matth. 18, 19*. Sed imperativa cum potestate, ejus qui verbo solo omnia creat servatque, cujusque proprium est sic imperare, sicut *Marc. 4, 39. Joh. 5, 89. Sibyllæ* de eo exstat oraculum.

Πάντα λόγῳ πρᾶτῶν πᾶσάντε νόσον θείων πάλιν.

Neq; utiq; mirum, ut verba *Lactantii* mutuer l. 4. de Ver. Sap. c. 15. quod verbo faciebat mirabilia, cum ipse esset Dei verbum, cœlesti virtute ac potestate subnixum. Nominis ejusdem vi & auctoritate Apostoli portentose ægris sanitatem è postliminio revocarunt *Actor.* 14, 9. 9, 34. tantamque virtutem ad posteros transmiserunt imperantis verba, ut *Longa* Paralytica uxor Longi Consiliarii Regii Neapolitani 1508. in Templo B. Virginis Lauretano, illicò sanata sit, quum Sacerdos ad hunc Evangelii locum venisset: *Tibi dico, surge,* si fides penes *Tursellinum.* l. 2. hist. Lauret. c. 10. Ibi demque eodem auctore, l. 4. c. 26. *Christina* Ducis Lotharingiæ conjunx, & filia Regis Daniæ, voto suscepto cum sanitate rediit in gratiam. At jure meritissimo malefica illa Brugensis, quæ omnes morbos solo verbo procuravit, si sibi crederetur, nulla Christi mentione, Diabolica judicata est apud *Jo. Damhouderum* Prax. Rer. Crimin. c. 37. §. 21.

Ad morborum exilium vel levamen humana verba naturali virtute an quidquam conferant, agitata sæpius quam soluta feliciter controversia. Nunquam mordicus negarem, quia 1. Varia verborum prolatione, aër alteratur tam ille qui per vasorū oscula in cutem desinentia per transpirationem ingreditur, quam in aures, nares, pulmonesq; delatus. 2. Vocibus diversus efferentium status seu calidus seu frigidus vim imprimit diversam, quam asperæ arteriæ reliquorumque vocalium instrumentorum dispar constitutio

tio vel acuit vel gravat. 3. Calido oris hiatu in aures immisso Epileptici paroxysmi distillantur, & clamore, in primis si vox certis numeris adstringatur. Ter in aurem insusurrando sæpius *Riolanus* est expertus. De Epilepsia autem ex flaribus orta succedere experimentum cum successu in puella observavit *Waleus*. In aliis irritum deprehendi. 4. Insusurratis quibusdam verbis fordiculæ oculorum & hordeola eruuntur, tradente *Marcello* Empirico. Certè in depositione Cataractæ Chirurgi halitum suum oculis inspirant fœniculo aliisque temperatum. Quod verò addit *Marcellus* necari quoq; lumbricos, fidem meam superat, nisi de flatu per fistulam ano immissam interpretemur. 5. Voces ad sanitatem conferentes, vel simplices sunt, de quibus jam dictum ante, vel incertos ordines connexæ. Hæ vel Symphonicae & suaves, vel cum terrore conjunctæ. In certos rythmos carmina composita apud veteres cœlo lunam deduxerunt, in Islandia adhuc usitata. De his in Paralytico primo egimus, ubi & Musices concentum laudavimus. Vocibus terror additus, corpora non leviter de statu suo deturbat. Ita filii Israel à Moyse deprecabantur, ne illis loqueretur Jehovah, ne fortè morerentur, *Exod.* 20, 19. Petrus *Actor.* 5, 5, 10. Ananiam acrius increpans cum uxore ad necem compulit. *Nicephorus* l. 4. memoriæ prodidit, fuisse quædam vocabula Eberina. quæ ad terrorem proponi solerent eorum qui initiabantur. Viso Scorpione, si quis *Bud* dicat, ictus cohiberi quidam

affirmant. Cæterum notandū monemus 1. huiusmodi voces, nisi à flatibus vel levi causa dependeant, nullo morborum generi profuisse. 2. Ad decipiendum vulgus addi subinde manuum operationibus vel superstitiosis ritibus verba ex se ponderis nullius. Ita *Catonem* ludicris non assuetum, luxata membra accepimus reposuisse, saltatoriis verbis prolatis: *Danata*, *Daries*, *Dardaries*, *Astararies*. 3. Voces rythmicas & symphonicas per accidens multis extitisse salutare, vel turbatos animi morus sedando, ut in Saulis Melancholia, quibus compositis facilius omnia ex voto fluunt, vel ad corporis exercitationem incitando, unde sudore oborto noxiæ humiditates excluduntur, quod in Tarantulæ morfu credimus. 4. Alexipharmaca aliæque morbis opposita medicamenta utramque fecisse paginam, & validam ægrorum imaginationem.

Verum enimverò Archiater Iesus solo verbo imperii sine minis, tactu, aut rythmico concentu, sine medela ulla, antiquatos morbos & pertinaces portentose curavit, integrè nullā morā interpositā restitutis viribus. Accepto enim divino mandato Paralyticus membris omnibus captus, recepta repente incolumitate, humerisque roboratis, lectum morbi testem & fautorem ipse sine difficultate reportavit. Lectus hic pauperulus erat & ab uno mole exiguus potuit gestari. *Κλίνη* dicitur & *κεράβιατ*®, quamvis illa cum arca sepulcrali seu sandapila plebejorum pari passu ambulet, ut ex *Phlegone*, *Philodemo* aliisque

annota-

annotavit Cl. *Salmasius* ad Solin. p. 1207. Figuram-
que *Hyginus* depingit. *Κεῖβη* autem te-
nuioris fortunæ erat lectus, unde *cratem ligneam*
hoc loco vocat *Maximus* in Orat. de Adv. Chr.
Cicero l. 2. de Div. Deos circumcursare non mo-
do lectos, verum & grabatos monet, h. e. diviti-
bus juxta ac pauperibus adesse *Martial.* l. 6. Ep. 39,
de liberis *Cinnæ* in servorum lectis humilibus &
luparum lectis prognatis, quos suos credidit;

Sed in grabatis, regetibusq; concepti
Materna produnt capitibus suis furta.


Frustrâ igitur *Estius* comm. in Evangel. grabba-
rum distinguit à lecto, quod ille sit fulcrum le-
cti. Autore idoneo caret, & versiones omnes
adversas sibi habet, quæ lectum & grabbarum,
sequutæ Sacros Historicos, eadem voce expri-
munt. *Σκιμπόδιον* de eodem grabbato ægroto-
rum cepere *Gellius* l. 19. Noct. Att. *Hesychius*, *Gale-
nus*, qui l. 10. Meth. Med. ad balneum Hæcticos
Ἰνὶ & σκιμπὸδι portari voluit. Unde nimio
Zelo ardēs *Spiridon* Episcopus *Trimithuntis* in
Cypro *Triphyllium* reprehendens, quod in Sa-
cra concione scimpoda vice grabati reposuerit,
teste *Sozomeno* l. 1. hist. Eccl. Atticæ linguæ igna-
rum se prodidit, quippe ex *Phrynichia* *σκιμπόδιον*.
Atticis dicitur quod communiter *Κεῖβη*.
Grabatos Paralyticorum ante oculos nobis po-
suit *Bosius* ex Roma subterranea lib. 2. Rom. subt.
c. 8. p. 101. l. 3. c. 4. 23. p. 159. 233. Paralytici inje-
ctos humeris, ut levissimi operis fuisse appareat.

Tria

Tria genera ex illo agnoscimus, pro numero Paralyticorum, quorum ex pedibus differentia. Humilitate omnia commendantur, ægrisq; adscensuris percommoda. In primo fulcrum capiti apponitur, pedibus ægri in secundo. Uterque verò lectus altioribus pedibus caput elevat, humilioribus inferiorem corporis partem sensim demittit. Tertius sine pedibus, humi sterni aptus, sex baculis supra ornatus, ad commodam gestationem, quibus & per tectum sive funiculis alligatis, sive opera manuum demitti potuit. Huic paupercula culcitra instrata vel lintheum ægro corpore tegendo usitatum. Commodus Paralytico egeno hic lectus, qui ex loco in alium à quatuor transferri posset, & à se solo sanitati restituto. Tales ægrotis Medici veteres conficiebant. *Celsus* enim l. 2. cap. 15. plura gestationis genera adhibet, quæ sint & pro viribus, & pro opibus, ne aut imbecillum hominem nimis digerant, aut humili obsint. Ibidem lectos ægrotantium quoque distinguit, ut alii sint lecticæ seu immobiles, alii suspendantur & moveantur, aliis uno pede lecti funiculus subjiçia-
tur, & huc illuc manu impellatur. Ad institutum magis *Oribasius* l. 9. Collect. Med. c. 14. varia strata recenset, pedibus humilibus, vel sublimibus, vel mediocribus, mobilium, parvorum, magnorum, profundorum, &c. Parva damnat quidem ob molestiam, & pedes humiles, quia caput repletur, sed si locus ex loco commutandus, laudat, imò pauperi non negligenda.

Nos

Nos cum Paralyticis composito hinc lecto & collectis vasis discessuri, ne operosâ curâ circa resolutos diutius occupati, corporis animiq; torpore stupeamus, Archiatrû Jesum supplices oramus, ut sarcina delictorum expeditos, & molestis ægri-tudinum lectulis liberatos, excipiat tandem vera sanitas cum securitate, securitas in æternitate.



*ANNOTATIONES AD HISTORIAM
PARALYTICI PRIMI.*

NUnquam Divinæ majestati injurius esse volui. Impietas hæc malè cederet, & nomine Christiani indignus forem. Quod ut ex æquo mihi vindicarem, malui semper Divina opera extollere quam impiè elevare, nunquam satis deprædicanda. Cavendum autem & mihi & cuivis Christiano, ne pro divinis operibus, miraculisque habeamus quæ certa naturæ lege Deus adstrinxit. Miracula enim Dei & Naturæ accuratè discernenda, ne vel Deus vilescat, vel Natura cum Deo paria dicatur fecisse. Hæc Dei vim præsupponit, at ille sine hac liberè & extra ordinem communem operatur. Utrumque in Historia Paralytici Primi justa devotione expendimus. Piscina Probatica aquis medicatis morbos expiavit vi divinitus immissa per Naturam. Jesus verò, quod Natura non potuit, sine mediis hujusmodi, Paralyticum portentose verbo solo percuravit. Ne igitur vel in Deum impius,

pius, vel in Naturam injurius viderer, utriq; con-
tribui sua, piscinæ curandi vires, Deo omnia.

Sunt tamen qui Piscinæ huic Probatice natu-
ralem curandi morbos virtutem invideant, & hic
& ibi miracula urgentes, contra quos breviter
disputabo, melius sentientium Judicio libenter
me submissurus.

Thermarum nonnullarum Naturam si ad no-
stram piscinam expendamus, eandem vim utro-
bique deprehendemus. I. *Κατὰ καὶρὸν* move-
batur piscina, & statas curandi fluendique vices
servabat, aliarum aquarum medicatarum more.
In Palæstina flumen describit *Josephus* l. 7. Bell.
Jud. c. 24. septimo quoq; die exinanitum, sex re-
liquis diebus semper aquis oppletum. De quo
Plinius l. 31. c. 2. In judæa rivus Sabbathis omnibus sicca-
tur. In radicibus montis Sion fons est *Nehem.* 3.
jugibus aquis non effluens, sed horis certis & die-
bus quibusdam ebulliens. Hunc quidam, teste
Boccatio, ex piscina probatica fluere voluerunt,
sed malè, quia Sion à porta pecuaria distat, de quo
situ videndus *Adrichomius*. Extra Palæstinam in-
solentes non sunt hujus notæ fontes. In monte
Siciliæ tribus milliaribus ferè à mari distantè,
fons est *temporum*, qui fluit temporibus orationi
assignatis, aliis temporibus arefcit, ex *Geographia*
Nubiensi, p. 173. Fons Ungariæ in Comitatu Za-
ros crescente Luna augeri fertur, & deficiente
minui, & interlunio prorsus deficere. Imitatur &
Lunam fons Connachiæ in Hibernia, bisque die
naturali deficit, bisq; exundat, narrante *Ortelio*.
Citius

Citius nascitur deficitque Lertius Galliæ apud *Pap. Massonum* in descr. Franc. per flum. p. 572. qui septem annos aquis stagnat, septem alios siccus est, referente *Sincero* Itin. Gall. Ordinarias verò crescendi horas in Thermis anni tempora distinguunt. Ut plurimum calidioribus æstatis mensibus crescunt & efficacius operantur, hyeme arefcunt & auxilia morborum segnius conferunt. In urbe Hierosolymitana fontem fuisse *Philo* asserit maximum, qui tempore hyemis deficiebat, æstate verò copiosissimè defluebat. Quod ex *Philone* refert *Eusebius* l. 9. Præp. Evang. c. 4. Aliis id vulgatum. *Plinius* l. 31. cap. 4. In Sicilia circa Messanum & Mylas hyeme in totum inarescunt fontes: æstate exundant, æmnamque faciunt. Vidit ibidem quoq; *Fazellus* Dec. 1. l. 8. c. 8. in puteo ædi D. Mariæ propinquo. *Leander* de fonte Sardinia, scaturigine ingenti fluente, narrat, cum dies longiores sunt, largius fluere, exsiccari brevioribus. In Alpestri Rhetia fontem esse calidarum, qui deficit mense Octobri, redit mense Majo, *Georg. Wernherus* autor est, de Adm. Hung. aquis. Nolo plura testimonia congerere in re confessa, quamquam enim hybernis mensibus aquarum in thermis copia redundet, inutiles tamen esse, nec valetudini salutare constans probat experientia. Hinc si κατὰ καιρὸν de comodo festorum tempore in æstate celebratorum Paschatos, & Pentecostes, interpretemur, sive de quavis opportunitate collectivè; res pro naturali piscinæ virtute erit confecta, calidioribus mensi-

mensibus, neutiquam frigidioribus commenda-
ta. Miraculi si fidem mereretur, quovis tempore,
sine cœli varietate, mortalibus ægris profuisset.

II. Piscina Probatica, ut usui apta redderetur,
movenda prius erat & turbāda. Quid hic *μεγίσ-
τον* signet, in Historia dictum. Turbatur verò
sive statis vicibus increscens, sive subterraneo ca-
lore vel concluso aëre vi erumpente commota
ebulliensque, & luti virtutes per omnem aquæ
superficiem distribuens. Moventur enim ther-
males lymphæ aliæque, vel ex se, vel à causa ex-
terna. Ex se vi à natura indita, seu calore & sul-
phure nitroq; vel subterraneo igne effervescent-
es, quod in plerisque medicatis aquis cernimus.
Ab externis quoque cientur fluctus, sive aëre ca-
lido æstatis mensibus, sive à ventis aliisq; com-
moto, quibus interna aquarum vis suscitatur.
Aër ille per motū terræ ex profundis sæpè erum-
pit, quomodo motum hunc piscinæ probaticæ
explicat *Grotius*. De cæteris lector iudicet erudi-
tus, eligatque quod visum fuerit. Enimverò ab
aëre vario modo aquarum undæ passim turbant-
ur. Apud *Solinum* c. II. in Halesina regione fons,
si insonent tibie, exsultabundus elevatur ad can-
tus. In Basilica, Regni Neapolitani Provincia,
fontem falsum describit *Fulgosius* l. i. c. 6. ad quem
si accedas aliquid locutus, turbatur alioquin cla-
rus. De Lacu Pilati haud procul Lucerna ferunt
quæ in eum injiciuntur maximas ciere tempe-
states, quod de Scuphagiolo lacu Apennini refert
quoq; *Bocaccius*, similia de Canati montis Hispa-
niæ

niæ lacu, lacu Averniæ, Leviniaæ aliisq; fama auctorum sparsit. De ventorum flatibus tam est nota cunctis res; quam olim Martis lucus. Unde *Maldonatus* audiendus non est, ut ante monuimus, qui ex motu turbido piscinæ nostræ miraculosam curationem finxit. Jordanis aquas turbidas narrat *Radzivilius* in Itin. Hieros. sed valde tamen salubres. Fons propè Conimbricam Hispaniæ, arenosus est & turbidus; hæc ideo tamen noxius. Incolæ vocant *Fervencas*; quod ferveat perenni aquarum & arenarū ebullitione; teste *Vasconcellio* Descr. Lusit. pag. 403. Fieri nunquam potest, quin perpetuo lavantiū haurientiumq; concursu thermæ aquæ turbentur. Imò, quod ille ad portentosam curationem requirit, nos ad naturale necessarium iudicamus. Nihil quiete proficiunt, nisi ut vis aquarum in fundo residens torpescat. Moveri debuere, ut fundi odore, sapore, crassitie, superiora quoque imbuerentur. Hinc *Fallopianus* c. 2. inter aquarum thermalium notas consistentiam numerat crassam & ponderosam. Ex Antyllō tamen nobis obverteres, in balneis agitaram aquam magis mordicare, maioremque feri ingredientis horrorem, imò ex commota aqua elevari vapores violentos, capiti inimicos: sed de sulphureis autor vera dixit, quas per canales inductas parum refrigerari & nonnihil subsidere sinunt Balneatores Aponenses, ob metum adustionis, caput autem infirmi muniunt, quod in quovis balneo expedit, nisi commoda vaporum calidorum evaporatione capitis nervorumque

affectus emendandi, imprimis frigidi, Paralyseos ut plurimum autores. Alias acriores exhalationes in piscina probatica, cœli solique benignitate, non admittimus. *Savanarola* balneum in agro Pisano, *bagno Alacqua*, graves ait inferre potoribus noxas, huncq; effectum incolas prævidere; nam cum aquam mense Martio, Aprili, aut Majo, luteo tingi colore, turbidamque fieri cernunt, perniciosam fore præfagiunt. Cæterum alia aquarum ratio quæ in potum veniunt, alia balnearum. Piscinam Probaticam Paralyticus κατὰ γὰρ ingressus dicitur, ut resoluta membra mergeret, grataque salubritate ablueret. Ad hæc balnea Pisana noxiam contraxerunt, non quia turbata, sed quia admixta fuerit venenata qualitas, seu ab astris seu vaporibus subterraneis, vel quia in illa valle amœna satis maxima pluvialium aquarum copia colligitur, præcipuè quando Aprilis Majusque mensis est pluviolus, & pluvia est Austrina, non Borealis, quæ *Fallopium* cap. 11. est conjectura, inde enim aqua copiosè in valle collecta, intercluso exitu agitata à Sole, putrescit. Ergò propter admixtionem alienæ substantiæ turbata aqua balnei Pisani, nocumentum attulit, secus si turbetur cum luto proprio vel agitetur, ex quo tantum abest perniciies inducatur, ut planè evadat medicata.

Si verò naturali internoque seu externo principio piscina Probatica mota & turbata fuit, cur Angelus dicitur descendisse *Johan. 5, 4.* Princeps hoc ferè est argumentum, quo miraculum pisci-

hæ adstruunt Theologi, in vero Angelo, incor-
 poreâ illa substantia, uno ferè ore consentientes.
 Unde tot quæstiones spinosæ ortæ, an Raphael,
 vel alius hujus notæ, an assumpto corpore de-
 scenderit ab adstantibus videndus, an invisibilis,
 quod *Maldonato* placuit, quum Evangelista non
 dicat, ægros expectasse Angelum, sed motum
 aquæ. Quod si quærat quispiam, quomodo sciri
 potuerit Angelum esse, qui movebat aquam, re-
 spondent, ex communi traditione id conjectura
 assequutos, quia quicquid præter naturam fiebat,
 per Angelum fieri credebatur. Non tantis opus
 est ambagibus. Sine difficultate magnam ex-
 pediemus. Ἀγγέλῳ causam moventem aqua-
 rum notat, sive vim à Deo naturæ insitam, sive
 externam internamve ventorum commotionem.
 Καταβαίνειν exponit *Suidas* pro venire. Κατα-
 βαίνειν, τὸ εἰς ἀγῶνα χαρπεῖν: in certamen de-
 scendere, reciprocoq; usu apud eundem ἐμβαί-
 νειν & καταβαίνειν ambulant, sic ὦν descendere
 non semper de loco, sed dignitate, mansio-
 ne, &c. cepere Ebræi teste *Maimonide*. Angeli
 nullam in Paraphrasi sua mentionem facit *Non-
 nius*, nec optimi Codices apud Joannem vocem
 Κυεῖν addunt, quam nullo jure omisissent, si de
 incorporeis Dei ministris accepissent. Virtus
 ipsa Dei, teste *R. Moysse*, ipseque Deus nomine
 τὸ Ἀγγέλῳ venit, ut ex *Ecclesiaste* c. 5. 5. liquet
 probatq; *Heinsius* *Arist. sacr.* Quo modo in Para-
 lytico nostro versatur *Bardus* in *Med. Cath.* qui

credit aquam piscinæ thermalem divinitus motam fuisse, sicut filix percussus scintillas emittit, atque ita auctam piscinæ facultatem. Ipse autem Deus ejusque divina virtus immediatè sæpè dicitur effectus produxisse, quos per causas naturales mediata virtute credimus emerxisse. Hinc rectè Pererius: *In generali Dei actione; etiam effectiones, operationesq; causarum secundarum Deo auctori tribuuntur in S.S. ut ostendatur principaliter à Deo proficisci.* Ita generatio hominis in Scripturâ Deo tribuitur, quanquam subordinatis causis ille utatur. Et Rom. 1, 20. Res naturales ex quibus Deus innoscitur; appellantur ποιήματα θεῶ. Apud Esajam quod dicitur: *Ego faciens bonum & creans malum*, exponit Basilii, quod Deus ordinet per causas secundas. 2. Reg. 12, 15. Dominus percussit parvulum quem pepererat uxor Uriæ, dubio procul per causas morborum mediatas, spiritibus sanguineq; accensis, unde febris acuta, quæ per crisin septimâ die ad mortem terminabatur v. 18. In universum autem de quovis ministro & naturali medio vox τῷ Ἀγγέλῳ usurpatur, quo Deus voluntatem exsequitur. Minister verbi Domini Apocal. 2, 1. ἄγγελος ἐφεσίνης ἐκκλησίης. Sicut ἄγγελοι Joannis nuntii vocantur Luc. 7, 24. & sensu מלאך vel מלאך quod Angelum constanter transtulit Vulgatus, passim in usu Genes. 32, 3. 1. Sam. 11, 4. 9. 23, 27. 2. Sam. 11, 25. 1. Reg. 20, 9. 22. 13. 2. Paral. 36, 15. Jud. 6, 35. Job. 1, 14. Nahum. 2, 13. Ne de aliis rebus creatis inanimis dubites, produco

textum

textum *Psalm. 104. v. 4: Qui facit Angelos tuos spiritus,*
& ministros tuos ignem urentem, huic loco & institu-
to commodum. De vento intelligendus, neuti-
quam substantia incorporea, quod ex tota oratio-
nis serie conficiemus. Id enim in hymno agit
David, ut ex rebus naturalibus Deo ministranti-
bus, nos ad Dei cultum excitemur, orditurq; or-
dine à cœlo, ab aquis suprâ cœlestibus, tum ven-
tis in aëre, quibus ut alis ambulat Deus, quos ven-
tos statim v. seq. 4. per Angelos explicat. Hæc
Calvini in Commento quoque est sententia. Ita
de igne habendum, qui sequitur. Nec video
quomodo Angelis veris locus assignari possit in-
ter aërem & terram, De malis *Paulus*, versari in
aëre, nusquam de bonis. Unde laborant inter-
pretes, ut nodum solvant, quo Angeli ventis
nectuntur. *Augustinus* h. l. & *Gregorius* hom. 34.
super *Evang.* Angelos fieri nuncios commenta-
tur, ad homines instruendos, eosque celerrimos.
Theodoretus, verò h. l. *Hieronymus*, *Thomas* in C. 1.
Hebr. Angelos ministros Dei habere velocita-
tem Spirituum, hoc est, ventorum, & efficaciam
ignis. Sed sanus non sum, si ex toto contextu ve-
ri Angeli mentionem exsculpsent. *Bellarminus*
quidem ad h. l. in utroq; textu & *Hebræo* & *Græ-*
co articulum ad nomina Angelos, & ministros
addi monet, non autem ad nomina spiritus &
ignem, ut inferat id Angelum de persona expli-
candum, esseq; subiectum ob articulum, ventum
verò prædicatum, quia articulo caret, adeoque
Angelo uti Deum pro vento, non vento pro An-

gelo. Cæterum non semper præcedit subiectum. Subjungitur *Joh. 1.* Θεὸς ἦν ὁ λόγος, & *Joh. 4. 24.* πνεῦμα ὁ Θεός. Potest igitur & hic ventus subiecti vicem gerere, quanquam posteriori locatus loco. Scio addi articulum, si postponatur, sed & prædicato præposito affigitur, ut *2. Cor. 3. v. 17.* ὁ ὃ κύριος τὸ πνεῦμα ἔστιν, & *1. Corinth. 10, 4.* ἡ ὃ πέτρα ἦν ὁ χριστός. Hic ante πνεῦμα nullus. Adhæc fit Angelus subiectum, non in propria sumendus notione, sed generali, pro quocunque nuncio Dei & ministro, inter quos ventus numeratur. Id patet quia contextus Davidicus de corporalibus mundanis loquitur ministris, elementorum regioni immixtis. Præterea articulus Hebræus semper additur in אַנְגֶלִים, quanquam nuntii sint communes, ut suprà citata loca docent. Nec ab usu profano abhorret vox Ἀγγέλ in communi significatione. Vocatur enim Mercurius Ἀγγέλ Θεῶν, ob subtilitatem & celeritatem. Imò, quod scopum propius ferit, Iris, rorida nubes, aërisque soboles Nonnisi Ἀγγέλ est θεανίωνων, & Homero. Ab εἰρῶ nuncio ex Chaldaeorum אַנְגֶל, unde Hellenisti apud Danielē Ir Angelus, quod Hesychio est ἀλάλας, quia Iridem plerumque turbo sequitur, iudice Heinsio c. 1. Aristarch. Sacr. Quid igitur periculi, si turbines, si ventos apud Psaltem pro Angelis interpretemur? Dubium restat ex *Ebr. 1, 7.* ubi eadem Psalmi verba repetuntur, sed ad veros Angelos applicata, quemadmodum ex commate ultimo

ultimo elicitur. Verum enim verò Apostoli consilium non fuit, exponere quid eo loco Psalter voluerit, quum aperte naturalium classem feriemque pertexat, sed facili licentia ad analogiam transtulit inter obsequium, quod palam & sensibili modo venti Deo præstant, & quod ipse ab Angelis recipit. Summa est, inquit *Calvinus* in h. l. sicut Deus ventis utitur tanquam nuntiis, huc illuc convertit, sedat & excitat quoties visum est, ut eorum ministerio declararet suam potentiam, sic Angelos esse creatos ut Dei iussa exsequantur. Non igitur allegoricè David loquitur, ut Græci & Latini Interpretes putant, sed Apostolus. Novum non est per allegoriam ad spiritualia in N. Test. trahi, quæ simpliciter & naturaliter in V. Test. pronunciantur, ut patet *Rom. 10, 18. Matth. 2, 15. 1. Cor. 10. Galat. 4, 23, 24. Ephes. 5, 31, 32.* de quibus Allegoriis innatis, illatisque consulendus *Glassius* l. 2. p. 1. tr. 2. f. 3. artic. 2. Ex turbatis funditusque commotis piscinæ aquis, aliud ad naturalem curandi vim emergit ex textu Joannis argumentum.

Commotis aquis ὁ πρῶτος ἐμῶς, qui primus intraret, curabatur. Anxia cura inquirunt Interpretes, qui factum sit, ut unus tantum, isque primus post motionem sit sanatus. Omnes fere ad miraculum confugiunt, ut se expediant, quia si naturale fuisset, semper omnesque sanasset, sicut semper & omnis ignis calefacit, Sol illuminat. Sed nimis debili fundamento miraculum innititur. Res naturales semper eundem effectum pro-

producant, nisi impediuntur vel mediorum vel
 subsectorum vitio. Nec sol hyemē caler, aut
 thermale aquæ efficaces, nec fructus flores-
 que frigus generat, aut ad generationem so-
 bolis senex sufficit. Quin liberalior iusto illa-
 tio, omnibusque remediorum generibus non
 parum iniqua, quæ nec semper nec omnibus
 sanitatem præstant. Nobis, ut ex hoc loco non
 miraculum, sed consuetus naturæ cursus evin-
 catur, leviserit labor. O πρῶτον non tam de
 ordine loquitur, quam tempore, ut mens auto-
 ris sit, simul ac post motum aquarum quis in-
 trarit, aquarum salutarium vim expertum esse.
 Ita Græci Medici τὴν πρῶτον urgēt in elleboro
 exhibendo & vomitibus, in morbis, h.e. subito
 faciendis non expectata concoctione, sed primo
 morbi tempore. Hipp. 4. Aph. 10. Medicari in val-
 de acutis, si materia turgeat, eodem die. Galenus
 simili consilio eodem die dat veratrum in calcis
 fractura. Quod in hydrope aliisque idem Celsus,
 Oribasius &c. persuadent. Huic contrarium, τὸ
 ὀψιπρον, de tempore posteriore adhibet Jud. v. 5.
 Apud profanos πρῶτον de tempore, inprimis
 Homerum Odyss. ult. de Achille, cui primum con-
 tigit Trojæ sub mænibus altis occumbere, ubi
 Eustathius: πρῶτον ἦσαν πρὸ καὶ χρόνου. Adverbia
 hæc urgentibus, nomina pro Adverbiis in Scri-
 ptura usitata ex Psalm. 75, 3. Esa. 41, 1. Thren. 1,
 9. Marc. 8, 32. reponam. Quod si πρῶτον nati-
 va nominis significatione servandus in ordine,

collecti-

collectivum crederem singularis pro plurali per Enallagen, similium locorum autoritate fretus, *Jes.* 33, 7. *2. Sam.* 19, 41. *Johan.* 8. *Ephes.* 6. *Apocal.* 21, 21. Ratio suadet, quia 1. plures ad piscinam confluerunt. 2. Miraculi major esset fides, si ad plures commodum spectaret, & sanè miracula numerum amant. 3. Impotentiam portentosæ aquæ proderet, uni profuisse. 4. Si mysticum sensum cum Patribus hinc eruamus, *Augustino*, *Ruperto*, *Beda*, aquæ perturbatio Domini passionem notavit, quam ad omnes fluxisse, indubiè credimus. 5. Si plures portæ ad piscinam patulæ fuere, ut suspicatur *Adrichomius*, omninò eodem tempore plures esse potuerunt primi. Si unam portam concedas, eamque angustam, jam secundum naturæ caput nisi unus intrare poterat nemo, unde subsidebat aqua, antequam sequuturis porta pateret. Quidquid sit, pressis sacri historici vestigiis insistentes, τὸν πρῶτον accipimus & de ordine & tēpore, idq; in singulo numero, unumque primum concedimus. Vel enim primus ingrediens, aquam turbatam ita contaminavit ægro corpore, ut sequentibus ex usu esse nequiverit, quemadmodum apud nos fama sparsit, fontem medicatum S. Helenæ tertium ideò exaruisse, quod quidam Venerea lue infectus illi se immerferit. Non Aponi, aliisque thermarum locis frequentatis, aquas lautior quis intrat, nisi post alterius egressum recens ex canalibus derivetur aqua. Quod in primis cavendum monet *Jasolinus* Reg. 15. Sunt fontes nonnulli sordibus minus

amici. Teste *Seneca* lib.3. Quæst. Nat. cap.26. *Boccacio*, in Chersoneso Rhodiorum fons post certa intervalla ex imo fundo concitatur & perturbatur, sordidaq; quævis injecta rejicit, nec quiescit quam puritati suæ restituatur. *Georg. Wernherus* de Adm. Hung. aq. fontem describit in Helvetia mirabilem in monte Engstle in regione Argaw, de quo experimento cognitum asserit, quod sit impatiens sordium, ut si quid impuri in eum missum mersumve fuerit, per aliquot dies deinde nō compareat, nec quicquam aquæ reddat. Similia de fonte juxta Rhenum, non procul ab Andernaco memoriæ consignavit *Wendelinus* in Præfat. Nili. Aliter quoque ὁ πρῶτος & explicari potest, quod angustus fuerit ingressus, ut antequam egrederetur primus, consideret lutum ad summa perturbatorem cōcitatum, indeq; inutilis, nisi novo accedente per Angelum quendam motu & agitatione. Quanquam enim *Adrichomius* in Jerus. descript. n.62. dicat amplam fuisse piscinam, & *Antonius Medina*, longitudinem ad 200. passus, latitudinem 60. profunditatem ad 30. pedes extendat; certis tamen cancellis inclusa per angustam portam ingressuros admisit, nisi per plures portas plures primos simul immersos dicas. Hinc perspicuum, quid sibi velit Paralyticus: ἄλλ' ὅτι πρὸ ἐμῆς κατεβαίνῃ. Dum enim vel hominem quærit, vel de ingressu litigat, subsideat aquæ immersa virtus, & à prædecesore inquinatur.

I V. Piscinæ Probatice effectus naturalibus sunt

sunt similibus, & aliis aquis medicatis communes. Jacebant in porticibus. *πληθὺς τῶν ἀσθενούντων*, nempe cœci, claudi, aridi, exspectantes salutarem aquæ motum. Nervosi generis sunt morbi omnes, & aquis medicatis solent expugnari. Credunt quidem satis ad miraculi veritatem confirmandam cœcos, hoc fonte curandos, conferre. Sed nihil minus. Figamus pedem, ut conspectior sit impugnata fides. Miraculo non careret, si confirmata & à primis incubulis producta cœcitas eo fonte illuminaretur. Non de his, sed levioribus oculorum visus, que defectibus & vitiis sermo est, medicata unda abstergendis. *Plinius* autor est l. 31. c. 2. in parte prima villæ Ciceronianæ Puteolis erupisse fontes calidos perquam salubres oculis, celebratos hoc Laureæ Tullii carmine :

Hic etiam apparent lymphæ non ante repertæ,

Languida quæ infuso lumina rore levant,

Nimirum locus ipse sui Ciceronia honori

Hoc dedit, hoc fontes cum præfexit ope.

Ut, quoniam totum legitur sine fine per orbem,

Sint plures, oculis quæ medeantur, aquæ.

In agro Hungringdonensi ad Hailveston in Anglia fonticuli sunt, alter dulcis, alter salior; hunc contra scabiem & lepram, illum contra oculorum hebetudinem valere perhibet *Cambdenus*. Oculorum doloribus balneum *Hippocrates* noster commendat 6. Aph. 31. Suffusioni prodest aqua S. Helenæ, ut experimento Nic. Petraræ firmat *Ericus Johannis* in Fontin. sacr. p. 12. Ne aliunde plu-

de plures advocem, sufficit Christi exemplum *Johan. 9. v. 7.* qui cæcum ad Κολυμβήθραν Siloe amandat, ut ablueretur oculorum vitium quantum curabile, incurabile enim & nativam cæcitatem ipse per lutum & divinam potestatem abolevit. Apud piscinam hujusmodi cæcos, non à nativitate lumine privatos, curatos credere cogimur, ne Christi potentiae injurii, cæcos curandi rationem, illi propriam, aliis communicemus. Ideo non cæcum, sed Paralyticum ex porticibus sumpsit sibi curandum Christus, quia illi per piscinam curabiles. Difficilius quippe & miraculo viciniùs fuisset cæcitatem innatam extersisse, quam Paralyfin acquisitam. Hæc autem ex antiqua luxatione, scirrho, in ætate senili, atrophia, aliisque symptomatis Paralyticum nostrum senem aridumque infestantibus prorsus, nisi Christi ope, insanabilis. Nec opus ad Tropum concurrere cum *Beda*, ut cæci sint scientiæ lumine carentes, claudi, qui ad ea quæ vident implenda vires non habent, aridi, qui dilectionis supernæ pinguedine carent: hi enim porticibus piscinæ nec affixi fuere, nec à piscina ulla emendari potuerunt, quanquam centies turbata.

Claudia vel nervorum resolutione & contractione, vel ossium vitio, vel tumoribus oborris, balnea percommoda. De fontibus Bajanis *Plinius l. 31. c. 2. generatim nervis prosunt pedibusve, aut coxendicibus, alia luxatis fractisq.* Medicati nostri *S. Helenæ* fontes fluxiones tumoresque pedum non semel dissiparunt.

siparunt. Sulphurearum aquarum, lutiq; eadem facultas. Multiplex ea. Lutum enim emollit partes induratas; hinc balneum D. Bartholomæi in agro Patavino toto orbe celebratur, plenoq; usu ad tumores, contractiones, &c. acclamatur. Conferunt deinde ad resolutionem & discussionem eorum, quæ jam emollita sunt. Tum siccant roborantque nervosas partes in fracturis, & luxationibus, denique refrigeratas partes calefacit, de quibus operose & eruditè Fallopius de Therm. Utriusque elementi aquas junxi calidas frigidasque, ut in piscina probatica eligat lector, quod verò proprius visum fuerit. Incertum enim, calida fuerit, an frigida. Nec magnoperè refert; quum & nitrosæ frigidae sint, ut acidulæ Spadenses, Pugeanae, Egerenses, &c. in quibus quoque ebullitio observatur, visque eadem, & calidæ frigidis substituantur apud Aetium l. ii. c. 30. quanquam thermæ placuerunt in Historia, ac eligendi arbitrium cuivis relinquo. Par sit de aridis judicium, sive marasmo, sive contractione, sive Paralysi comprehensis; proficuum balneorum usum sæpius expertis. Verè de aquis Plinius l. d. *Quod si quis si de carere ex his aliqua arbitratur, discat in nulla parte natura majora esse miracula.*

Opponitur nobis Comm. 4. sanatum post aquæ turbationem, ὃ δὴ ποτε καλεῖχέτο νοσήματι, quocunque morbo detineretur, quod planè portento simile; neutiquam naturali fontium virtuti conveniens. Cæterum Comm. 3. nominantur tantum τυφλοί, χωλοί, ξηροί, ut species nervosorum

rum

rum affectuum , sub genere τῶν ἀσθενειῶν.
 De omnium generum morbis Scriptura haud
 repugnante exponimus. Ita enim Universalis
 affirmativa non rarò per Synecdochen generis
 ad species restringitur *Exod. 9, 6. 32, 3.* Ita *Math. 4.*
23. Sanans πᾶσαν νόσον καὶ πᾶσαν μαλακίαν ἐν
 τῷ λαῷ, de omnis generis morbis , neutiquam
 de singulis generum accipiendum , ut rectè *Glas-*
sius. Nam cum multi in Palæstina essent morbi,
 soli cæci , claudi , muti , surdi , paralytici , hydro-
 pici , febricitantes , leprosi , hæmorrhoides , sanati
 dicuntur, ne hi omnes, sed ex quibusdam aliqui.
 Eo sensu & Petrus *Act. 10, 12.* πάντα τὰ περὶ
 πόδα vidit demissa , seu omnis generis animan-
 tia. Certè nisi valdè fallor & hæc quoq; D. Joan-
 nis erit sententia, vel nullus in Palæstina morbus
 fuit. ὃ δὲ πρὸς igitur de illis interpretamur, qui
 curari potuerunt, alioquin tantum Christo in-
 curabilium Medico decederet, quantum piscinæ
 accederet. *Patres & Interpretes* piscinam nostram
 aquæ Baptismi assimilant , cujus usum fideles
 tantum , & sanabiles, non omnes, quod dolen-
 dum, experiuntur. Nihil in Italia frequentius,
 universalis morborum remedia ex fontibus D.
 Virgini factis depromendi. Fama Helenæ no-
 stræ æquè fuit liberalis, & quod mirandum, Horn-
 husanas aquas, non ita pridem nimio concursu
 notas, contrarios etiam morbos tollere, cæcita-
 temque ferè à natiuitate, scriptorum quorundam
 licentia prodidit. Nos debita Christi miraculis
 religio-

religione, afferimus per piscinam morbos expi-
tos humana arte curabiles, ac Christum, despe-
ratum annis, viribus & magnitudine mali Para-
lyticum, suæ curæ subjecisse, ut se Deo parem
ostenderet. Nam.

V. Messiae in carnem manifestato ingens ma-
jestatis divinæ detrimentum accederet, si alii, si
piscina portentose curassent. Ipse loquatur Je-
sus *Joh. 15, 4*: Si opera non fecissem in eis *ἀγδεις*
ἀλλ' ὁ πῶνις, peccatum non haberent. Un-
de miracula per Christum, non piscinam, edi-
ta vocantur *ἔργα τοῦ Θεοῦ* *Johan. 8. v. 41.* τὸ θεῶν
Johan. 9, v. 3. Ad quam gloriæ prærogativam aut
societatem qua pietate piscinam adscribemus?
Mihi certè nec libet nec licet esse tam impio.
Per filium omnia miracula curationis edi voluit
Deus in N. Test. vel Apostolos ejus vi communi-
cata, qui solus is infirmitates nostras portavit.
Unde hoc capite Joannis ex miraculis Messiam
se rectè probavit, quæ per annorum 400. silen-
tium post Malachiam desierant, ut eo signo, tan-
quam certissimo, tempus adventus mortalibus
innotesceret. Legisse me memini, qui sub adven-
tum Christi miraculum piscinæ incepisse scri-
pserint, ut venientem Messiam prædiceret. Sed
fingunt, ut ficta excusent. Tacent sacri Historici,
in describendis hujus notæ portentis, alioquin di-
ligentes, nec præter Joannem, præsentia suæ in-
stantis ullum voluit Messias pronuncium. De
tempore quo fluxus virtusq; piscinæ cepit, nihil
apud autores invenias, ut verò sit simile pro na-
turali

turali fonte habitam ab omnibus. Quando defierit, indicat *Tertullianus* l. adv. Jud. c. 13. Et piscina Bethsaida usq; ad adventum Christi curando in valetudines Israel, defuit à beneficiis deinde, tum perseverantia furoris sui nomen Domini per ipsos blasphemaretur. Scilicet naturalium rerum ubertas Deo amico & faventi adscribenda, quam nobis ad devia vitiorum deflectentibus justo iudicio subtrahit. Fontium autem siccitatem, quam sæpè experimur, Dei vindictæ debemus *Psal.* 104, 16. *Joel.* 1, 20.

Visuntur adhuc hujus piscinæ vestigia. Ita enim *Nic. Christ. Radzivilius* Epist. secunda de Peregrinat. Hierosol. p. m. 84. Porta eadem seu Ephraim, civitatem ingressi ad lævam vidimus Probaticam piscinam, quæ propè aream templi Salomonis fuit, & erat satis ampla & profunda. Porticus habet etiam nunc qualdam integras. In fundo ipsius est quoddam arundinetum: unde apparet, nunc quoque esse locum humidum.

VI. Miraculum piscinæ nullus Scriptorum veterum vel minime apice agnovit. *D. Joannes* inter mirabilia, à naturæ lege consueta abhorrentia, non recenset, sed ideò videtur adduxisse, ut præmissis curabilibus per naturam ad incurabilia descenderet, soli Christo relicta. *Josephus* lib. 6. bel. Jud. cap. 6. stagnum, à piscina probatica parum differens, describit, sed sine miraculi ullius mentione. Si Judæum averferis, scito, res Christianas candida satis fide pertexuisse, & si famam miraculorum Christi denigrare propositum fuisset, felicius odium


odium exseruisset aucta in immensum piscinæ virtute, inprimis si antecessisset. *Benjamin* in *Itin*: Ibi conspicitur in hunc usq; diem piscina, in qua mactabant victimas suas: ibi etiam *Judai* scribunt nomina sua in pariete. Planè ad morem nostrum. Sed nihil de miraculo, nec ille, nec *Nonnus Paraphrastes Joannis*, qui *Angeli* motionem sicco pede transilivit, addiditq;

Ἀλμασιν αὐτομάταισιν ἰδὼν ὀρχήμενον
ὕδωρ.

Saltibus spontaneis videns salientem aquam.

h. e. nulla causa insolita naturæ, sed à suo principio commoram. Præter æquum fasque commisissent omnes silentio damnando, si divina reticuisissent miracula. Enimverò *Sacramentum Principis abscondere bonum, opera autem Dei revelare. & confiteri*, honorificum est *Tob. 12, 7*. *Judæos* veteres naturalem credidisse testatur *Rudolph Gualterus* hom. 34. in *Joh.* atq; idè nullam hujus fecisse in scriptis suis mentionem. Certè v. 16. Christo non succensent, quod vim divinam aquæ eluserit, sed quia sabbathum violaverat. Nec ægrè tulissent, quod curaverit eum, quem sciebant incurabilem, nisi insitâ malitiâ de omnibus Christi actionibus judicandi licentiam sibi sumpsissent. Non usquam malè feriati ipsi exprobarunt, quod paria cum illo piscina fecerit. Vero similis obiectissent, quod per piscinam miraculosam admiranda opera ediderit, quam per *Beelzebub* *Matthai 12*, nisi quotidianam & planè naturalem piscinæ virtutem habuissent perspectam. Vulgus

ipsum nunquam tantoperè æstimasset miracula Christi, si similem curandi felicitatem in piscina observasset. Viso autem Christi opere, v. 23. *nonne*, inquit, *hic est filius David*? Omnes ægri hoc pacto in Judæa, sine Christo, valetudinem amisam recuperassent, nec centurio de puero suo paralytico anxie adeò laborasset, quum per milites facile amoveri potuerint in piscinam ingressuri. Non nos movet *Ἐσχέδ* Esched effusio, quodq; per aquæ ductum ex superiori templi loco in vallem deducta sit aqua, ut exinde cum Chemnitio Magno naturalem causam excludamus: nam & Thermæ plerumque, ut & medicatæ aliæ aquæ, Aponi, & Bajis, Semnicia, &c. per canales inducuntur. Fundi hic præcipua habenda ratio, quam defluentes aliunde aquæ augent. An ex victimis increverit efficacia, nec affirmarim, nec facile negarim. At Ezechia esse piscinam, de qua 4. Reg. 20. *Adrichomio* non probatur. Quicquid sit, arbitris naturæ subinde iniquioribus tanto minushic accedendum, quod cum *Lavatero* in *Nethermas* omnes miraculosas credant, ex fluxu perpetuo & igne calente, qui deficiat in inferioribus.



ANNOTATIONES AD HISTORIAM
PARALYTICI SECUNDI.

P *Ad* Centurionis de filio, non servo, variis argumentis inducti, sumus interpretati.

tati. Sic enim passim sacri profanique loqui
 amant. Notandum tamen in N. Test. quando
 παῖς Christo tribuitur, ubique de ejus in carne hu-
 militate, adeoque servili habitu esse sermonem.
 Quando verò de æterna ejus generatione & di-
 vinitate agitur, υἱὸς vocatur, non παῖς. Alia ra-
 tio de aliis. *Johannes* enim 1. Epist. c. 2. v. 18. παιδία
 vocat auditores, filiolos, quos v. 1. 12. 28. τέκνία,
 v. 7. ἀδελφῆς appellat, & passim ἀγαπητῆς.
 Nominisq; rationem reddidit v. 13. quia patrem
 cognoverunt. δῦλον quo sensu Lucas nuncupa-
 verit, in Historia dictum. Δουλεία servitus apud
Suidam tribus modis dicitur. Primo, secundū ipsam
Dei creationem. Ut ille dicit: *Omnia sunt tua serva*. h. e.
 tibi serva, tibi serviunt, rerum omnium creatori.
 Secundo, secundum fidem, ut quum dictum est: *liberati*
à peccato, Justitia servi facti estis. Tertio, secundum
civilem vitæ rationem, quemadmodum est illud, *Moses*
legis servus. Si in tantas angustias compulsus fue-
 ro, forsan dicam δῦλον fuisse, sed libertum jam
 & pileo donatum. Ita enim l. 37. ff. t. 15. §. 9. li-
 bertus & filius conjunguntur, & l. 3. ff. t. 5. §. 31. li-
 bertus & amicus. Aliud Lucæ cōmentum p. 24.
 adduximus ex l. 4. §. 5. lib. 40. ff. de star. liber.
 tit. 7. ubi servire nobis illi intelliguntur, quos
 curamus ægros. Loquitur quidem rubrica de
 servis ægris, quod dies infirmæ valetudinis anno
 annumerandi sint, quia cupientes servire propter ad-
 versam valetudinem impediuntur: sed pari ferè ratio-
 ne, qua obsequium ægri præstant Dominis,

& ægri suis Medicis sunt obedientes. In hoc igitur textu generaliter differit, in priori specialiter. Non est quod obvertat scrupulosus, Centurionem vel Judæum fuisse, vel Christo nomen dedisse, adeoque nullum inter servum liberumque valuisse discrimen: Nam ex Judæorum grege nō fuisse probatū contra *Adamum à Contzen* in Historia, & apud hos quoque servorum miserior condicio quam ingenuorum. Fateor *Exod. 21. v. 20.* Dominum mulctari, si servum percusserit ad mortem, secus quam in foro Romano, cæterum quæ *v. 2. seq.* de mancipiis Ebræis afferuntur, Romano juri non adversantur. Certè in Republica Ebræa hodierna, siquidem Respublica vocanda, mancipia emuntur & venduntur aliarum gentium more, teste *Leone Mutinense c. 4. p. 5.* de Rit. Hebr. Si Christi doctrinam professus est, non ea fuit audacia, ut Romanas leges abrogaret, quamdiu sub Romanis vexillis militavit, posset enim, Nicodemi prudente timiditate, clam pius esse & Christianus. Imò salvo Christiani jure, mancipia aluit, quod hodiernis Siculorum, Melitensium, & Hispanorū moribus receptum. In Concilio Toletano l. 1. *Decret. Greg. c. 2.* de servorum ordinatione statutum est, ut nullus Episcoporum deinceps ad sacros ordines eos promovere presumat, nisi prius à Dominis libertatem fuerint consecuti. Et si quilibet servus fugiens Dominum suum, qualibet calliditate aut fraude ad gradus pervenerit ecclesiasticos, decretum est, ut deponatur, & ejus Dominus eum recipiet. Juris igitur Romani observantissimus Centurio sub vexillis suis servos

servos admisit nullos, nulla urgente necessitate nisi manumissos, quod ex *Eutropio*, *Isidoro*, *Pennididicimus*, sique Domino sciente militiæ servus, nomen dedit, hoc ipso ingenuum fieri voluit *Justinianus*. Hic autem *παις* Centurionis postea Centurio quoque factus, si credimus *Dextero*, quia ab inferiori ordine ad supremum virtute emerferunt.

Insolitus & ætati & professioni puero isti Paralytico morbus, quia ad militiam juvenes eligebantur. *Horat.* l. 3. Od. 2.

Pauperiem pati

Robustus acri militia puer

Condiscat.


Idem lib. I. Epist. 18. de Lollio :

deniq, *sevam*

Militiam puer, & cantabrica bella tulisti.

Vegetius incipientem pubertatem elegisse Romanos autor est lib. I. cap. 4. de quibus consulendi *Stevvechius* & *Naudæus* in *Erudita de studio Militari Dissertatione*. Vivendi genus immunitatem præstasset, nisi à violentiori causa è temperata temperie deturbatus fuisset. De temperatioribus enim plagis miles legebatur, ex laudato *Vegetio* lib. I. R. M. c. 2. ob mortis contemptum & prudentiam militari homini necessariam, non ex promiscua plebe, quod moribus nostris usitatum. Negant summi quidam Viri utrumque, eo quod *Astures* & *Cantabri* in sexto climate Romanos diu anticipi victoria exercuerint, nec requiratur excellens adedò judicium mentisque solertia in milite,

denique quia in aliis climatis quibuscunq; fortes producantur. Cæterum, sive de Ducibus sermo sit, illi optimi in bello, qui nati militiæ, ad verborum & linguæ certamina rudes, & ingenio honesta magnaque appetentes, *Liv. lib. 10.* sive de milite, qui ipsi sua per se munia obeunt, du-
cisque partem implent, *Tacit. l. 1. Hist.* sine prudentia tamen neuter timoris & audaciæ modum servabit, quod apud *Dionem lib. 50.* Antonius triumvir de se gloriatur, quæ apud quascunq; nationes usu & necessitate acquiritur.



ANNOTATIONES AD HISTORIAM
PARALYTICI TERTII.

A Pud *Marcum & Lucam* hujus historiæ series manifesta. *Matthæus* nonnihil se involvit, in quo enodando post *Augustinum* feliciter defudavit in *Harmonia Chemnitius*, Theologus quidem summus, sed in Medicina non ita versatus. Quemadmodum enim harmoniam hanc Historiæ Paralytici amplector ut vero affinem; ita in morbi genere à tanto Viro dissentire cogor, credit enim Paralyticum nostrum non in parte aliqua corporis, vel in uno latere tantum læsum fuisse, ut duci potuerit: sed in toto corpore nervos intercepto motu ita resolutos, ut non potuerit in sella sedere, verum ut lecto affixus portatus fuerit, unde *Celsus* explicat, utrumq; & ἡμιπληγίαν & παραπληγίαν paralyseos nomine vocantem. Verum
tamen

tamen Paralyticū textus facer persuadet, cui descriptio faver. Addo, quod fidē & certam in Christum fiduciam habuerit Paralyticus, alioquin patienter ad eō non passus fuisset se per ædium conignationem ad pedes Christi demitti, iudice *Chrysostomo*. Αὐτῶν & Paralyticum & bajulatores respicit, quia unusquisque fide sua vivit. In Apoplexiā autem deletis sensibus omnibus externis internisque, in Paralyti ex parte remanentibus, quomodo fides superesse possit sine ratione, non video. Præterea alloquutus hominem Christus, bono animo esse jubet, Θάρσδι τέκνον. Apoplecticum sine intellectu aut sensu, quis ita sanus compellaret? & quid fiducia sine ratione? In Paralyti vel unius lateris, vel partium privatarum, salva ratio viget, quia illæsum cerebrum vel ex parte, vel totum. Nimis imbellis est argumentum Magni *Chemnitii* pro Apoplexia, quia lecto affixus debebat portari, quum in sella non posset sedere. Sanè si resolutione teneatur truncus inferior, illæso capite, supernisque partibus, gressus sublatus erit, portandique orietur necessitas. *Aëtius* terr. 1. serm. 3. c. 6. distinguit accuratè inter gestationem in lecto & lectica. In lecto gestandos, qui se erigere non possunt. In lectica vel decumbentes, ut *hydropicos, resolutos, &c. vel desinentes*. *Cels.* 1. 2. c. 15. Nunquam gestari corpus dolens debere suadet, sive id in toto, sive in parte sit, nisi tantum in solis nervis dolentibus. Portantur igitur resoluti, quanquam totum corpus Apoplecticum non sit. Tantum Medicarum rerum exacta co-

gnitio Divinis Interpretibus & ornamēti & utilitatis asserere posset, si tam illi nobis faverent, quam nos illis. Quicquid sit, ut Christiani mutuo amore invicem, dum in Ecclesia militante versamur, sine fūco, sine alterius obtreccatione prosequamur, Deo vivamus sanctè, & beatè moriamur.

Atq; hæc de Paralyticis N. Test. in mentem calamūque venerunt. Quartus occurrit *Actor*, 9. v. 33. Æneas nomine, spacio annorum octo *παλελυμένῳ*, quem Petrus, per quem tam contemptibilem Testem multo mirabilius divinitas se ipsa persuasit, ut loquitur *Augustinus* l. 22. Civ. Dei c. 5. in nomine Jesu sanum surgere jussit. Quicquid autem de hoc argumento dici posset, quum per susceptam materiam decurreremus, omne absolvimus. Jam manum de Tabula.

G. S. T.

AOI 1460854

G. S. T.

Lectori Salutem.

Absoluta ferè erat à Typographo Editio hac Secunda, postquam advolarunt Litera ab Excellentissimo Autore, quæ duplici in loco quadam addere jusserunt. Posteriora suo inseruimus loco; priora verò, quia iis destinatus locus jam erat exscriptus, ne Te frustraremur, huc transferre placuit. Ita autem legendum pag. 15. lin. 10, αἰ-
 ρωτον δὲ ἔχω: sive servum, qui tamen tantum græcis recentioribus αἰρῶνις vocatur, sicut videre est apud Constantinum Orat. de administr. imper. quemadmodum apud Justinianum in Digestis quandoq; Homo pro Servo sumitur: sive potius Amicum, cujus opera, &c.

Jam Vale.



275
27A



